

乾陞府廳州縣圖志

河南



07685

乾隆府廳州縣圖志卷十七

賜進士及第翰林院編修充

國史館纂修官

臣 洪亮吉撰

河南布政使司

開封府

願額人丁三十三萬三千八百四十一
又滋生人丁三萬七千一百三十八

禹貢豫州之域周為鄭杞二國地戰國為魏國都曰大梁秦為

三川郡地漢元狩元年分置陳留郡屬兗州晉改曰陳留國劉

宋復曰郡後魏太和十八年郡廢孝昌中復置東魏天平初于

郡置梁州後周改州曰汴州隋開皇初郡廢大業初州廢為滎

陽郡地義寧元年復置汴州唐武德四年置總管府七年改為

都督府天寶初復曰陳留郡乾元初復曰汴州屬河南道興元

二年徙宣武軍節度來治五代梁建東都陞為開封府後唐復

曰汴州宣武軍晉漢周及宋復都之曰東京開封府金初曰汴

京貞元元年改曰南京貞祐二年亦遷都之元初曰南京路至

元二十五年改曰汴梁路為河南江北行中書省治明洪武元

年建為北京二年罷京仍曰開封府

本朝因之為巡撫部院及布政使司按察使司治所糧儲道分

守開歸道亦駐此鹽捕同知一駐朱仙鎮河務同知四駐上下

南河上下北河

府境

八到

東西距三百七十里
南北距三百三十六里

東至歸德府睢州界一百四十里
西至河南府鞏縣界二百三十里

南至陳州府西華縣界一百四十里
北至衛輝府封丘縣界四十二里

東南至陳州府太康縣界一百四十里
西南至許州府界一百八十五里

東北至衛輝府考城縣界一百五十五里
西北至懷慶府濬縣界二百六十五里

乾隆府廳州縣圖志卷十七

自府治至 京師一千五百八十里

土貢 玉 鐵 絹 龍沙 黃麻 鳳副席 梨 石榴 薯蕷 蕪菁 藍 紅花 藥

管縣十四州二

祥符 陳留 杞 通許 尉氏 洧川 鄆陵 中牟

蘭陽 鄭州 滎陽 滎澤 汜水 禹州 密 新

鄭

祥符縣 衝繁難郭下

有寶豫錢局大梁一驛朱仙陳橋入角三鎮縣丞駐陳橋主簿二駐南北京岸巡檢二駐朱仙鎮及北岸

戰國時魏大梁漢置浚儀縣屬陳留郡晉初屬陳留國後廢後魏孝昌二年復置并移陳留郡治此東魏為梁州治後周為汴州治隋屬滎陽郡唐仍為汴州治延和元年又分置開封縣與浚儀並為州治五代及宋俱為開封府治大中祥符三年改浚

儀曰祥符明初省開封縣入祥符

一

夷門山在府城內東北隅一曰夷山以山勢平夷而名大梁舊

有夷門蓋以山名

五丈河在縣北流入陳留縣界五代史周顯德四年詔疏汴水

北入五丈河由是齊魯舟楫皆達于大梁王存云五丈河即禹

貢之荷澤其廣五丈故名開寶六年詔改名廣濟河又自溝河

在縣北今堙

浚水在縣北詩爰有寒泉在浚之下 廊道元云梁惠成王三十

一年為大溝于北鄆以行圃田之水陳留風俗傳曰縣北有浚

水像而儀之故曰浚儀

逢澤在縣南左傳哀公十四年逢澤有介麋班固云開封縣逢

池在東北或曰宋之逢澤也又沙海在縣西北十二里今無水

浚儀故城在縣西北漢開封故城在縣南五十里隋新里故城在縣東三十里

倉垣城在縣西北青城有二一在府城南門外宋郊天齋宮一在北門外祭地齋宮也

汴故宮在府城內正北五代梁建都以軍治為宮晉為大寧宮宋時謂之大內金因舊址少更之明初建周王府今為貢院又宋艮嶽在城東北隅

繁臺在縣東南六里本梁孝王吹臺後有繁姓居其側里人乃以姓呼之酈道元云晉世乞活憑居削陸故基遂成二層世謂之乞活臺又靈臺在縣南三十里岳臺在縣西九里

朱仙鎮在縣西南四十五里

臨河堤在府境黃河岸自榮澤至歸德府睢州界故考城縣南岸長一二

乾隆府廳州縣志卷十七

三

百七十里又漢金堤在縣北隋堤去府城三里

陳留縣衝西少北至府五十里有莘城一驛巡檢駐黃李

春秋時鄭留邑戰國魏小黃邑秦置陳留縣漢元狩元年于縣

置陳留郡兼領小黃縣晉曰陳留國移治小黃縣省陳留入之

後魏真君八年又省小黃太和中復置小黃縣屬陳留郡北齊

又省隋開皇六年復置陳留縣屬宋州大業初屬梁郡唐武德

四年屬杞州貞觀元年屬汴州五代屬開封府

睢水故汴水分流也自縣東至杞縣北又東入歸德府睢州界

班固云浚儀縣睢水首受狼湯水東至取慮入泗過郡四行千

三百六十里又渙水亦自縣境流逕杞縣南又東入歸德府睢

州界圖經稱陳留記襄邑渙水出其南睢水經其北傳曰睢渙

之間出文章故其黼黻絺繡日月華蟲以奉宗廟御服焉魯渠

水在縣西北東南流逕杞縣南又東南入陳州府太康縣界班固云陳留縣魯渠水首爰狼湯渠東至陽夏人馮渠

小陳留城在縣南三里小黃故城在縣東北

臨濟城在縣西北五十里莘城在縣東北左傳僖公二十八年晉侯登有莘之虛以觀師斗城在縣南左傳襄公三十年伯有死于羊肆伯有之臣在市側者既而葬諸斗城老丘城在縣北四十五里春秋傳定公十五年鄭罕達敗宋師于老丘張良城在縣東六十里

杞縣衝繁雜西至府一百里 有雍丘一驛

周初為杞國春秋為宋雍丘邑秦置雍丘縣漢屬陳留郡後魏孝昌四年于縣置陽夏郡隋開皇三年郡廢十六年改置杞州大業初州廢縣屬梁郡唐初仍為杞州貞觀元年州廢縣屬汴州五代晉改曰杞縣漢周仍曰雍丘屬開封府金正隆後復為

乾降歸州縣圖卷十七

四

杞縣

白楊陂在縣東酈道元云睢水逕雍丘縣故城北又東水積成湖俗謂之白楊陂方四十里

漢外黃故城在縣東圜縣故城在縣南

高陽城空桑城在縣西祺城在縣西北十八里肥陽城在縣東北二十里陽樂城在縣東北四十里

鳴雁亭在縣北左傳成公十六年衛侯伐鄭至于鳴雁又萬人聚在縣西十五里王莽將王邑破翟義于此水經注所謂萬人

散也

通許縣簡西北至府九十里

本漢陳留扶溝二縣地宋初置通許鎮咸平五年陞為咸平縣

屬開封府金大定二十九年改曰通許

牛首城在縣西北左傳桓公十四年宋人以諸侯伐鄭取牛首

又裴氏城在縣東石倉城在縣西

尉氏縣衝東北至府九十里有尉氏一驛盧館一鎮

春秋時鄭尉氏邑漢置縣屬陳留郡後魏興安初省入宛陵大

安三年復置東魏天平初改屬開封郡北齊廢隋開皇六年

復置屬許州大業初屬潁川郡唐武德四年于縣置洧州貞觀

元年州廢縣屬汴州五代屬開封府

三亭岡在縣西南三十七里史記秦昭王使謁者王稽于魏夜

與范雎言先生待我于三亭之南即此又錦被岡在縣東十五

里下有古黃河渡

蔡澤陂在縣西南

乾隆壽州縣圖卷七

五

隋蔡陂廢縣在縣西南唐康陰廢縣在縣東南宛陵廢縣在縣

南

菟氏城在縣西北四十里左傳昭公五年鄭伯勞屈生于菟氏

平陸城在縣東北三十五里鍾城在縣西三十五里雞鳴城在

縣西南

洧川縣衝東北至府一百五十里有洧川一驛朱曲一鎮

本漢陳留郡之尉氏潁川郡之長社河南郡之宛陵三縣地唐

宋為尉氏縣地金興定二年始置洧川縣屬開封府

洧水今名雙洧河自許州長葛縣流入縣南又東南逕尉氏縣

南鄆陵縣北東入陳州府界按洧水舊自許州流逕鄆陵縣南

自宋人通惠民河引洧水自許田注鄆陵歷扶溝合蔡水始逕

洧川城南鄆陵縣北明時謂之雙洧河又小清河在縣西門外

東流注雙洎河

大洎在縣西北三里亦名白雁陂下流入雙洎河穆天子傳天子飲許男于洎上乘鳥舟龍卒浮于大洎又長明溝在縣南東流入尉氏縣

縣故城在今縣南十里明洪武二年徙今治

向城在縣西南左傳襄公十一年諸侯伐鄭會于北林師于向

又蔣城在縣北

鄆陵縣難北至府一百六十里 有馬關一鎮

春秋鄭鄆邑漢置鄆陵縣屬潁川郡後漢曰鄆陵晉曰雋陵東

魏屬許昌郡北齊省入許昌縣隋開皇七年復置十六年于縣

置洎州大業初州廢縣屬潁川郡唐武德四年復置洎州貞觀

初州廢縣屬許州五代屬開封府

《乾府廳州縣圖志卷十七》 六

潁水在縣南六十里自許州臨潁縣流逕縣境又東南入陳州

府界

縣故城在今縣西北

安陵城在縣西北太丘城在縣西南二十里陶城在縣南

中牟縣衝繁東至府七十里 有圃田一驛白沙一鎮管河縣丞二駐上下汛

春秋鄭原圃地漢置中牟縣屬河南郡晉屬滎陽郡後魏太平

真君八年省入陽武景明元年復置東魏天平初于縣置廣武

郡隋開皇初郡廢改縣曰內牟屬鄭州十六年析置郟城縣十

八年改內牟曰圃田大業初併郟城入圃田屬滎陽郡唐武德

三年復改圃田曰中牟併置牟州四年州罷縣屬管州貞觀元

年屬汴州龍朔二年改屬鄭州五代梁屬開封府唐復屬鄭州

晉仍屬開封府

汴水故道自懷慶府原武縣流入縣北又東南流逕府城南又東逕陳留杞縣入歸德府界即古蕩蕩渠也班固云滎陽汴水在西南有狼湯渠首受涉東南至陳入潁過郡四行七百八十里蔡水上流即汴河自縣境流逕祥符南分流又東南逕通許尉氏入陳州府界即古鴻溝亦名河溝亦名沙水史記河渠書禹治水之後滎陽下引河東南爲鴻溝以通宋鄭陳蔡曹衛與濟汝淮泗會于楚又清池水在縣西南五十里注丈八溝古役水在縣南今湮

圃田澤在縣西詩東有甫艸周禮職方氏豫州其藪澤曰圃田班固云中牟圃田澤在西豫州藪

縣故城在今縣東六里明天順中移今治又唐清池廢縣在縣西

焦城在縣西南官渡城在縣東北

曲遇聚在縣東史記曹參西擊秦將楊熊于曲遇

蘭陽縣衝繁西南至府九十里管河縣丞及巡檢一並駐北岸

春秋戶牖邑漢置東昏縣屬陳留郡晉廢五代爲東昏鎮宋乾德元年置東明縣屬開封府金時徙東明縣于河北後以故地改置蘭陽縣屬曹州元屬汴梁路明屬開封府

東昏故城在縣東北二十里

儀城在縣北韓陵城在縣東北五里

鄭州衝疲難東少北至府一百四十里有管城一驛

周初管國春秋屬鄭戰國屬韓秦屬三川郡漢屬河南郡爲京中牟二縣地晉爲滎陽郡地後周爲滎州地隋初爲鄭州地開皇十六年始分置管城縣于縣置管州大業初廢管州移鄭州

來治尋改爲滎陽郡唐武德四年徙鄭州治虎牢復置管州貞觀元年州廢七年復移鄭州來治天寶初改曰滎陽郡乾元初復曰鄭州宋曰鄭州滎陽郡景祐元年置奉寧軍節度熙寧五年州廢屬開封府元豐八年復置屬京西路金曰鄭州屬南京路元屬汴梁路明初省管城縣入州屬開封府

本朝雍正二年分爲直隸州領滎陽滎澤河陰汜水四縣十二年仍屬開封府

梅山在州西南三十五里與新鄭縣接界左傳襄公十八年楚蔣子馮公子格率銳師右回梅山侵鄭東北

承水在州南山海經承水出太山之陰東北流注于役水酈道元云世謂之靖澗水又華水鄭水竝在州東華水東會清口水

鄭水注賈魯河

漢故市廢縣在州西北三十五里

邲城在州東春秋宣公十二年晉荀林父帥師及楚子戰于邲

祭城在州東北左傳成公四年晉伐鄭取汜祭武疆城亦在州

東北棐城在州東南衍氏城在州北三十里

滎陽縣衛東至府二百十里有索亭一驛須水賈峪龍門

春秋鄭京邑漢置京縣屬河南郡晉改屬滎陽郡宋爲郡治後

魏太和中移滎陽郡及滎陽縣治此以京縣屬焉北齊省京縣入滎陽改郡曰成臯隋開皇初郡廢縣屬鄭州大業初屬滎陽

郡唐屬鄭州天授二年改曰武泰萬歲通天元年復曰滎陽二

年又曰武泰神龍初復故宋熙寧五年省入管城元祐元年復置

賈魯河源出縣東南至滎澤縣西南合索水又東逕滎澤鄭州

中牟又東南逕祥符之朱仙鎮西及尉氏縣東入陳州府界自鄭州以上爲京水自中牟至祥符名金水河宋建隆初始開後淤元賈魯治之今自鄭州以下通名賈魯河又縣境素水須水竝注賈魯河車關水注汜

京縣故城在縣東南唐須水故城在縣東三十里

滎澤縣

衝繁疲東至府一百四十里

有廣武一驛高村一鎮巡檢駐河陰

春秋滎澤地戰國韓滎陽邑漢置滎陽縣屬河南郡建安中置滎陽都尉三國魏置滎陽郡尋罷晉泰始二年復置郡後魏移郡縣皆治京縣界隋開皇四年復于故滎陽地置廣武縣仁壽元年改曰滎澤屬滎陽郡唐屬鄭州宋熙寧五年省入管城縣元祐元年復置

本朝乾隆二十九年復省河陰縣入焉

乾隆屬臚州縣圖卷七

九

敖山在縣西北詩小雅搏獸于敖左傳宣公十二年晉師在敖鄆之間廣武山在故河陰縣北五里史記漢四年項王與漢俱臨廣武而軍

滎澤在縣治南書禹貢滎陂旣豬又沈水東流爲濟入于河溢爲滎周禮職方氏豫州其川滎雒

縣故城在今縣北五里明洪武八年移今治滎陽故城在縣西南又河陰故城有二一在縣西一在故河陰縣東

螿城在縣東春秋隱公十一年公會鄭伯于時來左傳作邾螿來音同王宮城在縣西北左傳僖公二十八年作王宮于踐土垂隴城宅陽城竝在縣東北左傳文公二年穆伯會諸侯及晉司空士穀盟于垂隴平桃城在故河陰縣東南

河陰倉及汴口堰偃俗竝作堰竝在故縣西石門在故縣西北二十

里

汜水縣衛東至府二百五十里

春秋鄭虎牢邑戰國韓成臬邑秦置成臬縣漢屬河南郡東晉義熙中于縣置司州後魏泰常末改豫州太和十九年罷州置東中府東魏天平初復置北豫州兼置成臬郡後周改置滎州隋開皇初改曰鄭州十八年改成臬縣曰汜水大業初屬滎陽郡唐武德四年復置鄭州七年移州治管城以汜水屬之顯慶二年改屬洛州垂拱四年改縣曰廣武神龍元年復曰汜水乾元後屬河陽三城使會昌三年屬孟州宋慶歷三年屬河南府熙寧五年省入河陰元豐二年復置仍屬孟州金改屬鄭州本朝屬開封府

方山在縣東南山海經浮戲之山汜水出焉酈道元云浮戲山

乾隆府廳州縣圖卷十七

十

世謂之方山天徑山在縣西北一里書禹貢東過洛汭至于大伾鄭康成注地喉也沁出伾際矣在河內修武武德之界濟沁之水與滎播澤出入自此爾雅一成坻張揖曰大坻成臬縣山也

牛口峪在縣西北二十五里又板渚在縣東北二十里

黃河自河南府鞏縣流入縣北與懷慶府溫縣分岸又東逕滎澤鄭州中牟祥符陳留蘭陽與懷慶府原武陽武衛輝府封丘分岸又東入儀封廳界

洛水在縣西北舊自河南府鞏縣入河宋元豐五年張從惠建議起鞏縣沙谷至河陰縣穿渠五十二里引洛水入汴以通漕謂之新洛口今東至滿家溝入河汜水在縣西北合洛水東入河左傳成公四年晉伐鄭取汜祭又縣境桃花河諸水並入汜

成臯故城在縣西北

襄城在縣南三十五里

旋門關在縣西南十里後漢中平初置八關都尉此其一又黃

馬關在縣西十五里

禹州衝繁東北至府二百九十里

有清潁一驛白沙一鎮

古夏禹國春秋時鄭櫟邑戰國曰陽翟爲韓都秦始皇十七年

置潁川郡漢元年爲韓國六年復爲潁川郡晉移郡治許昌以

陽翟縣屬河南郡後魏興和元年分置陽翟郡隋開皇初郡廢

縣屬許州尋改屬嵩州大業初屬襄城郡唐武德初縣屬嵩州

貞觀元年改屬許州龍朔二年屬洛州會昌三年還屬許州宋

元豐三年縣屬潁昌府金初于縣置潁順軍大定二十二年改

軍爲州二十四年又改爲鈞州屬南京路元屬汴梁路明初省

陽翟縣入州屬開封府萬歷三年改爲禹州

乾隆屬州縣圖志卷十七

十一

本朝雍正二年升爲直隸州十二年改屬許州府乾隆六年仍

屬開封府

大隗山在州北接密縣新鄭縣界亦曰具茨山國語史伯謂鄭

桓公曰主芟隗而食溱洧注芟隗山名卽大隗也山海經大隗

之山其陰多鐵美玉青瑩班固云密縣有大隗山又荆山在州

西北五十里又十里有鐵母山產鐵三封山在州西南二十里

又五里有九山

潁水自河南府登封縣流入州北又東流分爲二一東南流俗

曰石梁河一東逕新鄭縣南入許州長葛縣界嵎水在州西南

二十里東南流積爲陂俗謂之臺陂黑水在州東北下注潁

潁水源出州北大隗山東流逕密縣新鄭入許州界又東南流

逕鄆陵縣南又南入許州臨潁縣界班固云大駝山澗水所出
說文澗水出河南密縣大駝山南入潁又云澗水出河南密縣
東入潁今按鄆注澗水時人謂之敕水淮南王書澤受澗而無
源者高誘注澗讀燕人強秦言敕同也澗澗二字音同字亦略
同密縣不應有二澗水疑說文重出或徐鉉等所增入也

後魏康城故城在州西北東魏黃臺廢縣在州東北

上棘城在州西北左傳襄公十八年楚師伐鄭右師城上棘遂
涉潁雍氏城在州東北又名雍梁左傳襄公十八年楚爲子馮
公子格率銳師侵雍梁小韓城在州西北

釣臺在州南卽夏臺也左傳昭公四年夏啓有釣臺之事

漢隱帝潁陵在州城西五十里

密縣 東至府二百八十里 有大駝一鎮

乾隆府廳州縣圖卷十七

十三

周密國春秋爲鄭新密巨漢置密縣屬河南郡晉屬滎陽郡隋
大業初省入新鄭十二年復置唐武德三年于縣置密州四年
州廢縣屬鄭州龍朔二年改屬洛州開元元年屬河南府宋崇
寧四年改屬鄭州宣和二年屬河南府金復屬鄭州元至元二
年改屬鈞州明萬歷三年屬禹州

本朝屬開封府雍正二年與新鄭竝分屬禹州十二年皆改屬
許州府乾隆六年竝復故

馬嶺山在縣南鄆道元云洧水出山下亦言出潁川陽城山山
在陽城縣之東北蓋馬嶺之統目焉蘭巖山在縣西北五十里
中有聖水峪賈魯河西源出焉

洧水自河南府登封縣流入縣南又東逕新鄭縣北入許州長
葛縣界潧水在縣東北南流至新鄭縣合洧水或作鄆水俗又

作溱水按漕洧兩水合流而東爲雙洎河後洧流獨盛漕水漸微今洧縣境綏徽承雲馬關武定子節滴瀝泉瓌泉等七水並漕洧

縣故城在今縣東南隋大業十二年移今治又郟城在縣東北五十里魏曲梁廢縣在縣東北曲梁堡唐洧源廢縣在縣西新鄭縣衝東至府二百里有永新郭店二驛巡檢駐郭店

周初郟國春秋爲鄭國都戰國屬韓嘗都之秦置新鄭縣又分置苑陵縣漢二縣皆屬河南郡晉省新鄭入苑陵屬滎陽郡東魏天平初改屬廣武郡隋開皇十六年復置新鄭縣屬管州大業初省苑陵縣入之屬滎陽郡唐初屬管州貞觀元年屬鄭州宋熙寧五年改屬開封府元豐八年復屬鄭州金改屬鈞州明隆慶五年屬開封府

乾隆府廳州縣圖志卷七

三

涇山在縣西南與大驢山竝峙接許州長葛縣西界左傳隱公十一年王與鄭人蘇忿生之田涇又僖公四年齊侯伐楚次于涇

函陵在縣北十三里左傳僖公三十年晉軍函陵陰坂在縣西左傳襄公九年晉人以諸侯伐鄭濟于陰阪次于陰口而還黃水在縣西北源出自然山逕縣城北東南流入于洧左傳襄公二十八年公如楚過鄭伯有廷勞于黃崖又東汜水在縣東北今涇僖公十三年秦軍汜南

制澤在縣東北左傳成公十六年諸侯之師次于鄭西遷于制田

縣故城在縣北洧水北今在水南三里又宛陵故城在縣東北林鄉城在縣東二十五里春秋宣公元年會晉師于棗林伐鄭

卽此華城在縣東南又瑣侯亭在縣東北左傳襄公十一年六月諸侯會于北林師于向右還次于瑣圍鄣

周太祖嵩陵世宗慶陵並在縣北又恭帝順陵卽葬其側

歸德府

衛繁難

唐武大東魏界一百三十里

原嶺人丁二十一萬二千三百九十八
又滋生人丁六千八百三十六

禹貢豫州之域商爲亳都地周爲宋國戰國屬魏秦置碭郡漢

高帝五年改置梁國屬豫州劉宋曰梁郡屬徐州尋入于魏亦

曰梁郡北周改曰梁州隋開皇初郡廢十六年置宋州大業初

復曰梁郡唐武德四年復曰宋州天寶元年改睢陽郡乾元初

復曰宋州屬河南道建中二年置宣武軍節度使興元初移軍

治汴州五代梁復爲宣武軍治後唐改爲歸德軍宋曰宋州睢

陽郡歸德軍節度至道中屬京東路景德三年升爲應天府大

乾壽歸州縣圖志卷七

七

中祥符七年建爲南京熙寧五年分屬西路金天會八年改曰

歸德府并置宣武軍屬南京路元仍曰歸德府置京東行省尋

罷屬河南行省明洪武初降爲歸德州屬開封府嘉靖二十四

年復陞爲府

本朝因之睢寧管河同知駐睢州通判駐商虞

府境 東西距四百七十里
南北距三百二十里

八到 東至江蘇蕭縣界二百九十里
南至開封府杞縣界一百八十里
北至山東曹縣界七十里

東南至安徽宿州界二百一十五里
西南至陳州府太康縣界一百三十里

東北至山東單縣界一百一十里
西北至儀封廳界一百七十里

自府治至京師一千八百里

土貢

綿絹 綌 漆 藥

管縣七州一

商丘 寧陵 鹿邑 夏邑 永城 虞城 睢州 柘

城

商丘縣 衝繁難郭下

有商丘一驛濟陽葛驛二鎮

古闕伯之墟曰商丘周為宋國都秦置睢陽縣為碭郡治漢初屬梁國文帝時為梁國都劉宋屬梁郡後魏為梁郡治隋開皇十八年改縣曰宋城為宋州治大業初為梁郡治唐為宋州治宋為應天府治金為歸德府治承安五年復曰睢陽明洪武初省入歸德州嘉靖二十四年復置改曰商丘仍為府治

泡水自睢州東流逕府城北又東逕虞城北入山東單縣界酈道元云卽豐水之上源也按班固云平樂侯國泡水東北至沛入泗今單縣東四十里有漢平樂故城班志蓋謂水從平樂東北至沛入泗非謂水出平樂也說文云泡水出山陽平樂似誤

乾隆府屬州縣圖志卷七

十五

今考泡水蓋上承考城縣之大薺陂今屬睢州道元之言得之又古斬水自縣南分流逕夏邑永城入江南宿州界本睢水支流按斬水故道已不可考而隋唐時汴水絕睢水而南流或卽斬水故道也

孟諸澤在縣東北接虞城縣界亦名望諸書禹貢導荷澤被孟豬周禮職方氏青州其澤藪曰望諸左傳僖公二十八年楚子玉夢河神謂已曰賜汝孟諸之麋班固云睢陽盟諸澤在東北又蒙澤亦在縣東北

漆溝在縣北春秋時隕石于宋其澤為潭樂史云隕石水一名漆溝

睢陽故城在縣南漢穀熟故城在縣東南蒙縣故城在縣東北

薄縣故城在縣西北

高辛城新城在縣南左傳文公十四年同盟于新城南亳城橫城在縣西南左傳昭公二十一年宋華向入樂大心豐愆華經禦諸橫貫城在縣西北與山東曹縣接界左傳僖公二年齊侯

宋公江人黃人盟于貫

鴻口亭在縣東左傳昭公二十一年齊師宋師敗吳師于鴻口

又陽梁聚在縣東南三十里左傳襄公十二年楚子囊秦庶長

無地伐宋師于楊梁

梁苑在府治東一名兔園又漆園在府治東北

隋堤在府城外三里東接夏邑永城二縣皆汴河故道隋時所

築又滲堤在縣北東接夏邑虞城二縣界世傳梁孝王徙都睢

陽時所築又護城堤在府城外甯陵鹿邑夏邑睢州皆有之

甯陵縣 衝東至府六十里 有甯城一驛長甯一鎮

乾隆府廳州縣圖志卷十七

十一

古葛國戰國屬魏為甯邑漢置甯陵縣屬陳留郡後漢建初四

年改屬梁國劉宋屬譙郡北齊省隋開皇六年復置屬梁郡唐

屬宋州宋屬應天府崇寧四年改屬拱州大觀四年還屬政和

四年又屬拱州宣和六年還屬金屬歸德府

甯陵故城在縣南漢已吾故城在縣西南

洧陵城在縣東南左傳成公十六年鄭人覆諸洧陵沙隨城在

縣西北左傳成公十六年晉會諸侯于沙隨期城在縣南葛城

在縣北

鹿邑縣 繁疲難北至府一百二十里 有谷陽一鎮

春秋楚苦邑秦置苦縣漢屬淮陽國後漢屬陳國晉初屬梁國

咸康三年改曰谷陽屬陳郡後魏屬陳留郡北齊省入武平隋

開皇六年復置谷陽縣屬譙郡十八年改武平曰鹿邑屬淮陽郡唐武德初二縣皆屬亳州乾封元年改谷陽曰眞源載初元年又改曰仙源神龍元年復曰眞源宋大中祥符七年又改眞源曰衛眞元并衛眞入鹿邑移鹿邑治衛眞仍屬亳州明初屬歸德州嘉靖中屬府

沙水在縣南五十里一名蔡河自陳州府淮甯縣流入又東南入安徽潁州府界酈道元云卽春秋所謂夷濮之水也又明水亦自淮甯縣流入縣南又東流入安徽亳州界卽沙水支流縣故城在今縣西苦縣故城在縣東十里漢甯平故城在縣西南五十里鄆縣故城在縣西南七十里武平故城在縣西北四十里

賴鄉城在縣東十里相城在縣東十五里樂城在縣南十八里

乾隆府廳州縣圖志卷七

七

廣鄉城在縣西安平城在縣西北

夏邑縣 舊難西至府一百二十里

有會亭一驛

戰國楚下邑地秦置栗縣漢爲栗侯國屬沛郡後漢省後魏孝昌二年始移置下邑縣于此屬馬頭郡隋開皇三年屬亳州十六年屬宋州大業初屬梁郡唐仍屬宋州宋屬應天府金屬歸德府興定五年改屬永州元至元二年還屬明初改曰夏邑縣秦和鄉故城在縣東北

譙城在縣北又黍丘亭在縣西左傳襄公七年宋圍曹築五邑于其郊黍丘其一也

永城縣 衝繁難西北至府一百八十里

有太丘一驛新興保安二鎮

秦置芒鄧二縣漢屬沛郡後漢建武中改芒曰臨睢屬沛國晉省臨睢以鄧屬譙郡後魏并廢鄧縣隋大業六年始置永城縣

屬譙郡唐初屬譙州貞觀十七年屬亳州金興定五年升爲永
州元至元二年復降爲永城縣屬歸德府

苞水在縣南五十里今名包河自安徽亳州流入又東入安徽

宿州界

芒縣故城在縣東北秦建成故城在縣東南鄧縣故城漢建平

故城在縣西南太丘故城在縣西北三十里

棘城費城並在縣南左傳襄公二十六年吳于是克棘

虞城縣

衝繁西南至府七十里

有石榴固一驛治平一鎮

夏時虞國秦置虞虞漢屬梁國後魏省延昌中僞置蕭縣兼置

沛郡北齊廢隋開皇十六年復置虞城縣屬宋州大業初屬梁

郡唐武德四年置東虞州五年州廢縣屬宋州光化二年改屬

輝州宋屬應天府金屬歸德府後廢元初復置屬東平路至元

二年并屬單父縣三年復置屬濟州嘉靖中屬歸德府

空桐澤在縣南左傳哀公二十六年宋景公遊于空澤又有空

桐亭左傳秦景公自空桐入

虞縣故城在縣西南

綸城在縣東南左傳哀公元年伍員曰少康逃奔有虞虞思于

是妻之以二姚而邑諸綸又廣樂城在縣西

睢州

衝東至府一百十里

有蔡丘一驛歸化重華二鎮

春秋宋襄牛邑秦置襄邑縣漢屬陳留郡晉屬陳留國劉宋屬

譙郡後省後魏景明元年復置屬梁郡東魏屬陽夏郡北齊省

隋開皇十六年復置屬宋州大業初屬梁郡唐武德二年屬杞

州貞觀初屬宋州五代梁改屬開封府後唐還屬宋州晉仍屬

開封府宋崇寧四年于縣置拱州保慶軍節度建爲東輔大觀

四年州廢縣屬開封府政和四年復置仍爲輔郡宣和二年罷
輔郡屬京東西路金天德三年改曰睢州屬南京路元屬汴梁
路明初省襄邑縣入州屬開封府嘉靖中改屬

黃河自儀封廳流入州境又東逕商丘虞城夏邑縣北又東入
江蘇碭山縣界汴水舊自開封府杞縣流入州北又東逕考城
甯陵商丘虞城夏邑入江蘇碭山縣界隋後改流逕商丘縣南
又東南逕夏邑永城入安徽宿州界亦名獲水今湮睢水亦自
杞縣流入州北又東逕甯陵商丘夏邑永城入安徽宿州界今
上流漸淤夏邑以東久湮又瀆水在州南又東逕柘城甯陵商
丘永城入宿州界一名濊水今湮

大濟陂在州東北與考城縣接界

襄邑故城在州西一里漢留縣故城在州東

十九

承匡城在州西左傳文公十一年叔仲彭生會晉郤缺于承匡
又首鄉在州東南僖公五年會王世子于首止

巢亭在州南左傳哀公十一年城鉏人攻太叔疾衛莊公復之
使處巢滑亭在州西北莊公三年公次于滑孟亭在州界僖公
二十一年會于孟

柘城縣簡東北至府九十里 有八橋一鎮

春秋陳株野地秦置柘縣漢屬淮陽國後漢屬陳國晉省隋開
皇六年置柘城縣屬宋州大業初屬梁郡唐貞觀元年省入穀
熟甯陵二縣永淳元年復置屬宋州宋屬應天府崇寧四年改
屬拱州宣和二年還屬應天府六年又屬拱州金元明屬睢州
本朝屬歸德府

澗水自陳州府太康縣流入逕縣南又東逕鹿邑縣入安徽毫

州界古谷水在縣北東南至鹿邑縣淮溝水古沔水在縣西左
傳僖公二十二年宋公及楚人戰于泚

柘縣故城及漢雋縣故城竝在縣北

始基城在縣南大棘城在縣西北左傳宣公二年宋華元及鄭
公子歸生戰于大棘郟城仇留城竝在縣北左傳襄公元年東
諸侯之師次于郟以待晉師

乾隆府廳州縣圖志卷十八

賜進士及第翰林院編修充 國史館纂修官 洪亮吉撰

河南布政使司

彰德府

原額人丁二十六萬三百五
又滋生人丁一萬二千八百三十四

禹貢冀州之域商時河亶甲所都春秋屬晉戰國屬魏秦為邯鄲上黨二郡地漢高帝分置魏郡治鄴屬冀州後漢初平中為冀州治三國魏建鄴都晉仍曰魏郡屬司州後入于趙燕及苻秦後魏天興四年改置相州東魏天平元年遷都之改曰司州魏尹北齊改魏尹曰清都尹後周建德六年復曰相州魏郡大象二年移治安陽隋開皇初郡廢大業初州廢復曰魏郡唐武德元年復曰相州天寶初改曰鄴郡乾元初復曰相州屬河北道廣德以後常置節度使五代晉天福二年於州置彰德軍節度宋曰相州鄴郡彰德軍屬河北西路金明昌三年陞為彰德府元太宗四年立彰德總帥府憲宗二年為散府屬真定路至元二年復置總管府屬中書省明仍為彰德府

乾隆府廳州縣圖志卷十八

府境

東西距三百二十里
南北距二百里

八到

東至直隸清豐縣界一百五十里
西至山西壺關縣界一百七十里
南至衛輝府淇縣界一百三十里
北至直隸磁州界七十里
東南至衛輝府濬縣界六十五里
西南至山西陵川縣界二十里
東北至直隸成安縣界九十里
西北至山西遼州界四百四十里
自府治至京師一千二百里

土貢

沙絹 木綿 鐵 銅 錫 磁石 席 紙 煤木

管縣七

紅磬 胡椒 花石 葫蘆 藥

安陽 臨漳 湯陰 林 武安 涉 內黃

安陽縣 衝繁難郭下 有鄴城一驛天禧豐樂二鎮

戰國魏甯新中邑秦昭襄王五十年改曰安陽漢爲蕩陰縣地
晉始置安陽縣屬魏郡東魏天平初併入鄴縣後周大象二年
自鄴移相州治此改縣曰鄴隋開皇十年復曰安陽大業初爲
魏郡治唐復爲相州治金爲彰德府治

韓陵山在縣東北十七里後魏普泰二年高歡敗爾朱兆于韓
陵藍嵯山在縣西後漢書袁尙救鄴曹操逆擊破之尙還保藍
口又銅山在縣西北四十里舊產銅有冶久廢

愁思岡在縣西南十五里唐書乾元二年郭子儀及安慶緒戰
于愁思岡敗之野馬岡在縣北三十三里

防水在縣西南二十二里酈道元云防水出西山馬頭澗東逕
乾隆府屬州縣圖志卷六 二

防城北東南流注于美水又洹水枝津今名新河在縣東北流
逕臨漳縣入直隸成安縣界

高平渠在縣東南二十里天平渠在縣及臨漳二縣界今竝廢
縣故城在今縣南隋大業初移今治魏郡故城在縣東北漢邯
鄲故城在縣西北後周靈泉故城在縣西南隋相縣故城金輔
巖故城在縣西宋永定故城在縣西四十里

防陵城在縣南

殷墟在縣北汲冢紀年盤庚自奄遷于北冢曰殷墟史記項羽
與章邯期洹水南殷墟上

臨漳縣 繁西南至府七十里 有臨漳一驛同隆鄴二鎮

春秋鄴邑後屬晉戰國屬魏漢置鄴縣并置魏郡後漢初平中
又爲冀州治三國魏黃初二年建鄴都晉仍爲魏郡治建興元

年改曰臨漳後復曰鄴石虎慕容儼皆都此苻秦初爲冀州治
後魏天興四年於縣置相州東魏天平元年遷都改爲司州魏
尹治又分鄴東界置臨漳縣屬之北齊亦都此後周復爲相州
治大象二年州移治安陽改鄴爲靈芝縣隋開皇十年復改曰
鄴與臨漳縣皆屬魏郡唐屬相州宋熙寧五年省鄴縣入臨漳
金屬彰德府

潞水在縣西十五里舊自磁州流入至縣西入漳汙水亦在縣
西史記項羽悉引兵擊秦軍汙水上按汙水今絕

黃河故道有二一在縣界班固云鄴故大河在東北入海是也
一在內黃縣界酈道元云河水自戚城逕繁陽縣故城東又北
逕陰安至昌樂是也按金初河道始南徙不逕臨漳界今有故
渠在縣東十里有南北古堤俗謂之黃灘

乾隆屬州縣圖志卷十八

三

鷓鴣陂在縣及內黃二縣界李吉甫云在縣西南五里周回八
十里蒲魚之利州境所資又長明溝在縣西酈道元云魏武引
漳流自鄴城西東入逕銅雀臺下伏流入城東注謂之長明溝
西門渠在縣西今廢又菊花渠在縣東南四十里亦廢

鄴縣故城在縣西二十里縣故城在今縣西南明洪武十八年
避漳水患移今治

高陵城在縣東平陽城汙城在縣西雍城在縣西鄴鎮東北四
里神武城在縣西南十五里

魏故宮在縣西鄴北城中又後趙九華宮在縣西故鄴城東北
隅齊故宮在縣西南鄴南城內

三臺在縣西南鄴城內西北隅魏志建安十五年作銅雀臺十
八年作金虎臺其後又作冰井臺相去各六十步又後趙闕馬

臺靈風臺等竝在縣西

湯陰縣 衝繁東北至府四十五里

有宜溝一驛宜溝鵲壁
二鎮巡檢兼驛丞駐宜

戰國魏蕩陰邑漢置蕩陰縣屬河內郡建安十七年改屬魏郡後魏天平初并入鄴縣隋開皇六年復置湯陰縣屬汲郡唐武德四年改置湯源縣屬衛州六年改屬相州貞觀元年復曰湯陰縣宋宣和二年改屬濬州尋還屬相州金屬彰德府

衛河自衛輝府淇縣流入逕縣東南五十里與濬縣接界又自濬滑二縣東北流逕內黃縣西北又東北入直隸大名縣界其在內黃界者即古淇水一名清河亦名永濟渠班固云內黃有清河水南出又縣境湯水東至內黃縣合美水入衛河班固云蕩陰蕩水東至內黃入黃澤西山美水所出亦至內黃入蕩

乾隆府廳州縣圖志卷十八

四

蕩陰故城在縣西南東魏魏德故城一名晉鄙城在縣南三十里美里城在縣北七里邺城在縣東南中牟城在縣西五十里林縣 繁東北至府一百二十里

戰國韓臨盧邑漢置隆慮縣屬河內郡後漢延平中改曰林慮建安十七年改屬魏郡三國魏屬朝歌郡晉屬汲郡後魏太平眞君六年省入鄴縣太和二十一年復置永安元年并置林慮郡北齊郡廢後周復置隋開皇三年郡廢縣屬相州十六年于縣置巖州大業初州廢縣屬魏郡唐武德二年復置巖州五年州廢縣仍屬相州金貞祐三年升爲林州元仍爲縣憲宗二年復爲州至元二年復爲縣尋復爲州屬彰德路明洪武三年省縣入州尋降州爲林縣

隆慮山在縣西二十里亦名林慮山應劭曰隆慮縣隆慮山在

北避虜帝名改曰林慮也後漢更始二年光武遣更始將謝恭
邀擊尤來賊于隆慮山黃華山亦在縣西二十里史記趙武靈
王登黃華之上天頭山在縣西北二十五里晉書石勒攻林慮
父老謀曰此有大頭山可共保之

洹水自山西潞安府長子縣流入逕縣東北又逕安陽內黃入
衛河左傳成公十七年聲伯夢涉洹戰國策蘇秦說趙肅侯合
天下將相盟于洹水之上黃水在縣西北五里東流與葦泉水
合注洹淇水自衛輝府輝縣流入縣南又東逕湯陰縣西南流
入衛輝府淇縣界又浙水女臺水竝自縣境注淇倉石水又注
漳水

新開水在縣西五里源出縣西天平山龍洞東流數里阻巨石
伏入地下元至元五年知州事李漢卿始鑿渠引水自西南直

乾隆府廳州縣圖志卷十一

五

抵城壕民甚便之明宏治十七年又鑿渠自西北引黃華山水
入城濠與新開水合名曰廣惠泉今分爲南北二池
東魏臨淇故城在縣東南臨淇故城在縣南七十二里

石城在縣西南八十五里礪陽城在縣西北八十里葛公城在
縣北七十里利城在縣東北二十五里

武安縣

繁東南至府一百六十里

有武安一驛

戰國趙武安邑漢置縣屬魏郡魏晉屬廣平郡東魏天平初仍
屬魏郡隋開皇三年屬相州十年改屬磁州大業初屬武安郡
唐武德四年屬磁州六年屬洺州永泰九年還屬磁州元至元
二年併入邯鄲後復置仍屬磁州

本朝雍正四年屬彰德府

鼓山在縣南三十里一名淦山後魏建義初余朱榮自晉陽東

出滄口討葛榮于鄴關與山在縣西南史記趙惠文王二十九年趙奢拒秦軍于闕與先據北山大破秦軍于闕與下

洛水有二北洛出縣西北門道川東流逕縣北南洛出縣西白艸坪東流逕縣南又東北合流入直隸邯鄲縣界縣境諸水竝

注洛

縣故城在今縣西南隋陽邑故城在縣西

毛城在縣西

天井關在縣西八十里後燕慕容垂滅西燕出滄口入天井關

卽此又固鎮關在縣西五十里道出澤潞遼沁諸州

涉縣簡東南至府二百二十里

有馬驛一索堡一鎮

漢置沙縣屬魏郡後漢曰沙侯國晉曰涉縣屬廣平郡後魏省入川陵隋開皇十八年復置屬潞州大業初屬上黨郡唐武德

乾壽屬州縣圖志卷六

六

元年屬韓州貞觀十七年屬潞州宋屬隆德府金貞祐三年于

縣置崇州四年州廢興定五年復置元初州廢以縣屬真定路

至元二年併入滄陽後復置明屬磁州

本朝雍正四年屬彰德府

漳水有二濁漳水自山西平順縣流逕林縣北入縣東南清漳水自山西黎城縣流入縣南又東南與濁漳水合流謂之交漳口又東逕安陽縣北又東過直隸磁州南又東逕臨漳縣西北入直隸成安縣界史記西門豹引漳水溉鄴以富魏之河內

縣故城在縣西北唐貞觀十三年遷今治

趙簡子城在縣東北二十里

丙黃縣

繁難西至府一百十里

有高堤一鎮

漢置縣屬魏郡東魏省隋開皇六年復置屬相州大業初屬汲

郡唐武德四年屬黎州貞觀十七年還屬相州天祐三年改屬魏州宋屬大名府金改屬滑州明屬大名府

本朝雍正二年改屬彰德府

繁水在縣東二十六里自直隸開州流入又東北入直隸清豐縣界亦名浮水又縣境石溝河並注衛水

黃澤在縣西北

縣故城在今縣西北漢繁陽故城在縣東北

故殷城及美陽城在縣南柯城在縣東北戲陽城在縣北

殷中宗陵在縣西南二十五里宋開寶中樹碑又河宣甲陵在湯陰縣北五里

衛輝府衝繁

原額人丁二十萬二千八百二十七
又滋生人丁一萬九百八

乾隆府廳州縣圖志卷之七

禹貢冀兗二州之域殷末遷都于此周初爲邯鄲衛三國後并爲衛國春秋時衛遷楚丘地尋屬晉戰國屬魏秦爲東郡及三川郡地漢爲河內郡地三國魏置朝歌郡後省晉泰始二年改置汲郡治汲後魏因之興和二年置義州治汲北齊廢後周宣政元年改置衛州又分置修武郡治朝歌隋開皇初郡廢大業初以州爲汲郡治衛縣唐武德元年復置義州改汲郡爲衛州四年廢義州貞觀元年移衛州治汲縣天寶元年又改曰汲郡乾元元年復故屬河北道五代亦曰衛州宋曰衛州汲郡屬河北西路金天會七年因宋置防禦使明昌三年陞爲河平軍置節度以滑州爲支郡大定二十六年徙治其城尋復故貞祐三年徙治胙城元初仍治汲中統元年置衛輝路總管府屬中書省明爲衛輝府

府境

東西距三百九十里

八到

東北距一百七十八里

東至直隸東明縣界一百八十里

西至山西陵川縣界二百一十里

南至開封府中牟縣界一百七十里

北至彰德府湯陰縣界一百五十里

東南至直隸長垣縣界一百五十五里

西南至懷慶府修武縣界一百八十里

東北至彰德府林縣界一百四十里

自府治至京師一千四百里

土貢

綾絹綉 官粉 青錢 玳石 錫 礪石 青莢

管縣十

汲 新鄉 獲嘉 淇 輝 延津 濬 滑 封 丘

考城

汲縣

衝繁郭下 有衛源一驛杏園淇門二鎮

乾隆帝縣州縣圖卷十六

八

殷牧野地周為鄘衛國戰國魏汲邑漢置縣屬河內郡三國魏屬朝歌郡晉泰始二年置汲郡後廢後魏太和十二年復置與和二年于此置義州及伍城郡伍城縣北齊廢州後周廢郡以伍城縣屬衛州隋開皇六年仍改曰汲縣大業初屬汲郡唐武德元年復置義州四年州廢縣屬衛州貞觀元年自衛縣移衛州來治金遷州治于其城及肱城尋復故元為衛輝路治縣故城在今縣西南隋隋興故城在縣北

鄘城在縣東北

銅關在縣南王隱云汲縣有銅關圖經今名衛關為大河津濟處又杏園鎮在縣東南唐郭子儀自杏園濟河東至獲嘉破安太清淇門鎮在縣東北唐大順初朱溫寇魏博分遣其將龐師

古等下淇門衛縣

新鄉縣

衝繁東北至府五十里

有新中一驛

周爲鄴國漢初爲汲縣地元鼎六年分置獲嘉縣屬河內郡後漢爲侯國晉屬汲郡後省後魏太和二十三年復置北齊廢隋開皇初改置新鄉縣屬懷州大業初屬河內郡唐武德初屬義州四年州廢屬殷州貞觀元年還屬衛州宋熙寧六年省入汲縣元祐二年復置屬衛州

獲嘉故城在縣西南十二里
延津關在縣東南後漢書袁紹自黎陽渡河沮授諫曰今宜留屯延津分兵官渡又故臨清關在縣東二十里

獲嘉縣

衝繁東北至府九十里

有崇寧元村二驛

古甯邑春秋晉南陽地秦置修武縣漢屬河內郡晉改屬汲郡後魏孝昌中曰南修武後周置修武郡隋開皇初郡廢改縣曰獲嘉屬衛州十六年置殷州大業初州廢縣屬河內郡唐武德

乾隆府屬州縣圖志卷十八

九

四年復置殷州貞觀元年又廢縣屬懷州宋天聖四年仍屬衛州明洪武十年省入新鄉縣十四年復置

同盟山在縣東北五里李吉甫云武王伐紂與諸侯同盟于此故名

吳澤陂在縣西北

沁餘水故道自懷慶府武陟縣流入縣南又東南逕新鄉汲縣入衛河柘沁水支流自武陟縣紅荊口經衛輝入衛河隋大業中開永濟渠嘗引以通涿郡元郭守敬言沁餘水引至武陟北流合御河灌田此沁入衛之古迹也明初河徑入淮不與沁合乃鑿渠引之今河仍入沁後沁全注黃河而入衛故道盡堙萬曆十五年沁決武陟東岸新鄉獲嘉破浚時議引沁入衛因沁水多沙不可漕遂止

故南陽城在縣北賸城在縣西北左傳隱公十一年桓王與鄭
蘇忿生之田攢茅賸懷又吳城在縣西

小修武聚在縣境漢書高祖三年自成臬北渡河宿小修武傳
舍既得韓信軍軍于小修武晉灼注小修武聚在大修武東

淇縣衝南至府五十里 有淇門一驛旱生青龍二鎮

殷洙邑周初爲衛國春秋屬晉爲朝歌邑漢置朝歌縣屬河內
郡後漢建安十七年屬魏郡三國魏置朝歌郡尋廢晉屬汲郡
劉宋仍屬河內郡後魏廢東魏復置又析置臨淇縣屬林慮郡
隋大業初改曰衛縣移汲郡來治唐武德初爲衛州治貞觀元
年仍移州治汲以縣屬之宋天聖四年屬安慮軍熙寧六年廢
入黎陽元祐初復置屬濬州元憲宗五年改置淇州又置臨淇
縣爲倚郭中統元年屬大名路至元三年屬衛輝路省臨淇縣
入州明洪武初廢州爲淇縣屬衛輝府

乾隆府廳州縣圖志卷十六

十

泉源水在縣南亦名陽河卽古肥泉也東南流入淇水詩泉源
在左又我思肥泉毛傳所出同所歸異爲肥泉縣境美溝水注
淇倉水至汲縣北注清水

朝歌故城在縣東北按今縣治卽殷鹿臺

牧野在縣南說文牧作毋鄭道元云自朝歌以南南暨清水土
地平衍據臬跨澤悉毋野也杜祐云卽紂都近郊三十里是

輝縣繁東至府六十里

唐共伯國漢置共縣屬河內郡三國魏屬朝歌郡晉屬汲郡東
魏天平中改屬林慮郡北齊廢隋開皇六年復置共城縣屬懷
州大業初屬河內郡唐武德元年于縣置共州四年州廢屬殷
州貞觀初屬衛州金大定二十六年移衛州治此尋復故二十

九年改曰河平明昌三年改曰蘇門貞祐三年于縣置輝州元至元三年省蘇門縣入州屬衛輝路明初改州爲縣

太行山在縣西五十里接修武縣界有白陘太行第三陘也又相近有白鹿山長泉水出焉天門山在縣西北五十里又二十里有蘇門山圖經卽太行支山也本曰栢門山亦作百門山又共山在縣北九里班固云共北山淇水所出淇山在縣西北一名沮洳山亦名大號山山海經沮洳之山淇水出焉淮南王書淇出大號酈道元云淇水出河內隆慮縣西大號山側按淇水之源漢志云出共山水經云出淇山地形志又云王莽嶺源河流爲淇大約諸山相近故各指言之

栢門水今名衛河源出縣西蘇門山栢刀泉東南流逕新鄉汲縣又東北逕淇縣與淇水合流東北至濬縣城西又東北逕滑

縣入彰德府內黃縣界

乾隆府屬州縣圖卷十八

十一

栢刀泉卽古百泉又清水在縣西南東流逕獲嘉新鄉注衛河長泉水在縣西南六十里至獲嘉縣注清水

淇水在縣西北東北流逕彰德府林縣及湯陰復南流至淇縣東南入衛河詩淇水在右班固云淇水東至黎陽入河又縣境卓水亦注衛河

唐凡城故城在縣西南又金山陽廢縣在縣西南七十里

重門城羅城在縣西北鄧城在縣西南六十里

延津縣

衝疲北至府七十里

有廩延一驛西沙門一鎮

春秋鄭廩延邑秦置醴泉縣屬三川郡漢屬陳留郡後魏省尋復置屬東郡北齊復省隋開皇六年復置屬滑州大業初屬滎陽郡唐初屬東梁州貞觀八年屬滑州五代梁屬開封府後漢

復故晉還屬開封宋政和七年改曰延津金貞祐三年升爲延
州元至元九年復爲延津縣屬汴梁路明屬開封府
本朝雍正二年屬衛輝府五年省胙城縣入焉

古黃河舊逕縣及故胙城縣北其北岸則新鄉汲縣又東北至
澹縣西南其南岸則滑縣北曰黎陽津南曰白馬津漢賈讓言
決黎陽遮害亭放河使北入海河西薄大山東薄金堤是也

濮水在縣及滑縣境按濮水本大河分流自黃河遷決濮流亦
澶今圖經有衛南陂水受故胙城縣孟華潭王德口諸水自縣
南東北流逕縣東又迤北逕桃園而東南滙于衛南陂東北逕
柳清河達于澶淵又有沙河在縣南五十里皆濮渠之餘流也
又縣北有酸水世謂之百尺溝今澶

延津在縣北棘津在縣東北故胙城之北左傳昭公十七年晉

乾隆舟廬州縣圖志卷六

七

荀吳帥師涉自棘津文石津亦在縣東北今竝澶

烏巢澤在縣東南裴松之云許攸說曹操曰今袁氏輜重有萬
餘乘在故市烏巢屯

酸棗故城在縣北十五里隋胙城故城在縣北三十五里唐南
燕故城在縣北故胙城東

桃城在縣北吳起城在縣西北二十里

澹縣衛繁西南至府一百十里有新鎮一鎮

春秋衛牽地漢置黎陽縣屬魏郡東晉時燕常置黎陽郡尋廢
後魏孝昌中復分置黎陽郡周宣政元年分置黎州隋開皇初
州郡皆廢十六年復置黎州大業初州廢縣屬汲郡唐武德二
年仍置黎州貞觀十七年州廢縣屬衛州五代晉天福中改屬
滑州宋端拱元年以縣建通利軍天聖元年改安利軍明道中

復爲通利軍熙寧三年軍廢縣屬衛州元祐初復爲軍政和五年升爲濬州尋改平川軍金皇統八年改爲通州天德三年復故元初屬真定路省州治黎陽縣入之至元二年屬大名路明洪武三年降爲濬縣與滑縣並屬大名府

本朝雍正三年並移屬衛輝府

黎陽山在縣東南二十里晉灼曰黎陽黎山在其南河水經其東其山上碑云縣取山之名取水之陽以爲名按薛瓚以此爲卽大坏今考坏从土爾雅一成坏說文坏丘再成者也黎陽係石山安得以大坏歸之瓚說益不足辯善化山在縣西北二十里舊名枉人山李吉甫云俗言紂殺比干於此故名又黑山在縣西北七十里魏志于毒白統睦固等十餘萬衆以掠魏郡號黑山賊

乾隆府廳州縣圖志卷十一

十三

宛水在縣西南酈道元云東南入淇水宿胥水亦在縣西南今

涇

長豐泊在縣西卽宋李垂所謂牧馬陂古河道所經也黎陽故城在縣東北隋衛縣故城在縣西南五十里清淇故城頓丘故城並在縣西

雍榆城袁譚城在縣西南黎陽倉城在縣西南三十里枋頭城在縣西南八十里卽今之淇門渡古之淇水口也黎陽鎮城在縣東南宛城在縣西牽城在縣北十八里

金堤在縣西南及滑縣東又遮害亭在縣西南五十里皆舊爲

大河所經

滑縣繁難西南至府九十里

有老岸曹村什村三鎮巡檢
駐老岸

殷豕韋國春秋衛漕邑秦置白馬縣屬東郡晉屬濮陽國後魏

天興二年于縣置兗州東晉義熙中收復仍爲州治并置東郡
宋永初末地仍入魏州廢隋開皇九年置杞州十六年改滑州
大業二年又改兗州三年復曰東郡唐初仍爲滑州天寶元年
改靈昌郡乾元元年復故大歷七年爲永平節度使治貞元元
年改號義成軍光啟二年改宣義軍五代唐同光元年復爲義
成軍宋以靈河縣省入爲滑州治太平興國元年改曰武成軍
熙寧五年州廢屬開封府元豐四年復置金仍曰滑州屬大名
府明洪武初以州治白馬縣省入七年降爲滑縣

白馬山在縣東三十四里又縣北有白馬水舊爲河水分流處
一名白馬津今湮

白馬故城在縣東二十里又後魏涼城廢縣在縣東北隋衛南
廢縣在縣東六十里韋城廢縣在縣東南靈昌廢縣在縣西南
鉅城在縣東左傳襄公四年魏絳曰后羿自鉅遷于窮石須城
在縣東南詩思須與漕平陽城在縣南袁公十六年衛侯飲孔
悝酒于平陽鹿鳴城大通城在縣東北沙店城在縣西南三十
里

瓦亭在縣南春秋定公八年公會晉師于瓦

古顓頊陵在縣東北山海經鮒魚之山帝顓頊葬其陽九嬪葬
其陰皇覽顓頊墓在頓丘城門外廣陽里中

帝嚳陵在縣東北酈道元云淇水逕帝嚳冢西皇覽曰帝嚳冢
在東郡濮陽頓丘城南臺陰里中

封丘縣

難西北至府一百三十里

有潘店中樂二鎮

古封父國漢置封丘縣屬陳留郡後魏太平眞君九年省入酸
棗景明二年復置北齊省隋開皇十六年復置屬滑州大業初

屬東郡唐屬汴州五代屬開封府

本朝乾隆四十八年三月改屬衛輝府

黑山在縣北三里湮于河魏志初平四年袁術屯封丘黑山

黃河自懷慶府陽武縣流入縣南又東逕考城縣南入儀封廳界

古濮渠在縣西南東北流入直隸長垣縣界班固云濮渠首受

涉東北至都關入羊里水過郡三行六百三十里

平丘廢縣在縣東四十里唐守節廢縣在縣西北三十里

期城在縣南七里

桐牢亭在縣北春秋成公五年同盟于蟲牢樂史云今俗謂之

桐渦

考城縣 衝繁西北至府一百五十里

有考城一驛管河主簿駐北岸

乾隆府廳州縣圖志卷十

十五

春秋戴國秦置魯縣屬碭郡漢屬梁國後漢改曰考城屬陳留

郡晉初省尋復置屬濟陽郡後魏孝昌中改置考陽縣兼置北

梁郡北齊天保七年郡廢改縣曰成安隋開皇十八年復曰考

城屬宋州大業初屬梁郡唐武德四年于縣置東梁州五年州

廢屬曹州元和十四年屬宋州尋還屬曹州五代梁開平元年

改曰戴邑屬開封府後唐復曰考城宋崇寧四年改屬拱州大

觀四年還屬開封府金初屬曹州正隆中屬睢州

本朝屬歸德府乾隆四十八年三月移縣治黃河北岸以岸南

地入睢州因改縣屬衛輝府

築箕城在縣北樂史稱城冢記禹治水時所築

蔡丘聚在縣東左傳僖公九年會于蔡丘

懷慶府 衝繁

原額人丁一十一萬八千七百三十一
又滋生人丁一萬一千一百六十九

禹貢冀州覃懷之域商周畿內地春秋為晉南陽戰國屬魏秦
為三川郡地漢初屬殷國後改置河內郡屬司隸部治懷縣三
國屬魏晉徙郡治野王屬司州後魏天安二年置懷州太和八
年州罷東魏天平初復置隋開皇初郡廢大業初州廢復為河
內郡唐初復置懷州立總管府貞觀元年府罷天授元年仍曰
河內郡乾元元年復故屬河北道宋曰懷州河內郡屬河北西
路金天會六年曰南懷州置沁南軍節度天德三年仍曰懷州
大定五年置行元帥府屬河東南路元初曰懷州憲宗七年改
懷孟路總管府延祐六年改懷慶路屬中書省燕南河北道明
曰懷慶府

本朝因之分守河北道黃沁通判駐武涉糧捕水利通判駐清

乾隆府廳州縣圖志卷之八

十六

化鎮

府境

八到

東西距三百九十里
南北距一百三十五里
東至衛輝府獲嘉縣界一百四十里
西至山西垣曲縣界二百五十里
南至河南府孟津縣界七十里
北至山西鳳臺縣界六十五里
東南至開封府滎澤縣界一百五十里
西南至河南府洛陽縣界一百四十里
東北至衛輝府輝縣治一百二十里
西北至山西澤州府治一百二十里
自府治至京師一千八百里

土貢

絲絹 梁米 茶 鐵 磁 磚 朱膠 煤炭 葭
灰 魚 竹 石榴 柿 藥

管縣八

河內 濟源 修武 武陟 孟 溫 原武 陽武

河內縣 衝繁郭下 有覃懷一驛尚香武德崇義稻香邢臺
萬善清化七鎮

春秋晉野王邑漢置野王縣為河內郡治後魏為懷州治隋開

皇十六年改河內縣

太行山縣及濟源修武三縣皆在其麓東接衛輝府衛縣界北接山西澤州府界一名五行山書禹貢太行恒出至于碣石左傳襄公二十三年齊侯伐晉登太行班固云山陽野王太行山在西北淮南王書武王欲築宮于五行之山高誘注卽太行羊腸坂在縣北太行山

丹水自山西鳳臺縣南流入逕府城東北又南入沁水山海經沁水之東有丹林丹水出焉長明溝水自府城東北與河分流逕清化鎮南又東逕武陟修武合蔡溝水入衛輝府界一名預河今日小丹河縣境小沁水倍澗水邗水絕水等竝注沁班固云上黨郡涑氏有絕水南至野王入沁

漢州縣故城在縣東南又唐忠義廢縣紫陵廢縣竝在縣西北三十里太行廢縣在縣東北四十里

乾隆府廳州縣圖卷十

十七

邗城在縣西北左傳隱公十一年王取蕪邗之田于鄭陽鄉城絺城在縣西南隱公十一年桓王以蘇忿生之田與鄭有絺成鄉城在縣東南雍城射犬城沙城中都城金城竝在縣東北鄆城苑鄉城在縣北

大斛關在縣北二十里又碗子城關在縣北碗子城山

濟源縣 難東至府七十里 有邵原關巡檢駐

周爲原國春秋晉原邑漢置沁水軹二縣屬河內郡北齊省沁水縣隋開皇十六年始分軹縣置濟源縣屬懷州大業初屬河內郡唐武德二年于濟源縣置西濟州四年州廢縣屬懷州貞觀元年省軹縣入焉顯慶二年改屬洛州廣德後屬河陽三城使會昌三年屬孟州元太宗六年改置原州七年復爲濟源縣

屬孟州明洪武十年改屬懷慶府

王屋山在縣西八十里與山西垣曲縣接境山有三重其狀如屋故名書禹貢底柱析城至于王屋其山在縣北十二里酈道元云沈水潛行地下至其山南復出

齊子嶺在縣西六十里西魏大統十二年高歡圍玉壁別使侯景將兵趨齊子嶺李吉甫云嶺在王屋縣東十二里周齊分境處也

黃河自山西垣曲縣流入縣南又東逕孟縣溫縣武陟原武陽武縣南入衛輝府界

濟水一名沈水源出縣西王屋山東流逕縣北又東南逕孟縣北又東南入河書禹貢導沈水東流爲濟入于河劉熙云濟濟也源出河北濟河而南也瀑水在縣西湛水在縣西南酈道元云竝注河

乾隆廣輿記卷六

十六

沁水自山西陽城縣流入縣北又逕河內武陟二縣北折而南至縣東入河縣境有沁水渠亦名枋口水又溟水自縣西南東流逕孟縣北又東南注河爾雅梁莫大于溟梁左傳襄公十年公會諸侯于溟梁縣境澆水塗溝水漫流水天漿水同水竝注溟

濟源池在縣西北三里李吉甫云濟有二源東源周圍七百步其深莫測西源周圍六百八十五步深一丈皆繚之以周墻唐書濟原有濟瀆祠按今縣西北有濟瀆廟

軹縣故城在縣南十二里漢波縣故城在縣東南沁水故城在縣東北後周王屋故城在縣西八十里唐栢崖故城在縣西南又溟陽廢縣在縣東邵原廢縣在縣西一百二十里長泉廢縣

在縣西南蒸川廢縣在縣北十三里

向坡在縣南陽城在縣西南原城在縣西北左傳隱公十一年桓王以蘇忿生之田與鄭有向樊原注樊一名陽又湛城在縣南勳掌城在縣西北二十五里

箕關在縣西王屋山南亦名瀑關後漢書建武元年鄧禹自箕關入河東又軹關在縣西北十五里當軹道之險因名魏景初二年司馬懿在汲詔懿自軹關西還長安

修武縣

衝繁西南至府一百二十里

有武安一驛待王承恩二鎮

春秋晉南陽邑漢置山陽縣屬河內郡三國魏改爲山陽國晉仍爲縣後屬汲郡後魏孝昌二年置山陽郡又分置北修武縣東魏改爲廣甯郡又置西修武縣尋廢北齊移修武縣治于西修武併北修武入之後周郡廢隋曰修武縣屬河內郡大業十

乾隆丹廬州縣圖志卷十八

十九

年徙廢唐武德二年復置修武縣并置陟州四年州廢縣徙別置修武縣于西修武故城屬殷州貞觀元年屬懷州宋熙寧六年省爲鎮入武陟元祐元年復爲縣仍屬懷州

北修武故城在今縣北山陽故城在縣西北三十五里東魏廣甯故城在縣東南

攢城在縣西北二十里左傳隱公十一年王以蘇忿生之田與鄭有攢

漢獻帝陵在縣北三十五里濁鹿城後小風邨名禪陵

武陟縣

衝繁難西至府一百里

有武陟軍郭二驛永橋甯郭二鎮

周畿內邑漢置懷縣爲河內郡治又置武德縣屬焉晉移郡治野王以懷爲屬縣省武德入之東魏天平初改屬武德郡隋開皇十六年分修武置武陟縣大業初與懷縣皆廢十年移修武

縣來治唐武德四年改曰武陟屬殷州貞觀元年屬懷州

武德故城在縣東南懷縣故城在縣西南

殷城在縣東南隰城在縣西南十五里左傳隱公十一年王以蘇忿生田與鄭有隰城樊城在縣西南四十里永橋城沁陽城

在縣西

御人亭在縣西南十五里左傳成公十一年晉郤至與周爭御

田

孟縣 衝繁北至府五十里

有河陽一驛沁河白波穀羅城北四鎮

周畿內地春秋晉河陽邑漢置河陽縣屬河內郡晉末省後魏孝昌中復置仍屬河內郡北齊省入溫軹二縣隋開皇十六年復置唐武德四年置盟州八年州廢縣屬懷州顯慶二年屬洛州建中二年置河陽三城節度使治此會昌三年改置孟州宋

乾隆府廳州縣圖志卷之六

三十一

初曰孟州河陽軍政和二年改濟源郡金天會六年降為孟州

元屬懷慶路明洪武初省河陽縣入州十年降州為縣

孟津在縣南十八里書禹貢導河又東至于孟津左傳隱公十一年王與鄭人蘇忿生之田有盟盟孟古字通又曰富平津晉泰始十年杜預造河橋于富平津樂史云河陽有南浮橋在縣南一里即杜預所造也

河陽故城在縣西三十五里唐集城廢縣在縣東南穀旦廢縣在縣北十五里河清廢縣在縣西南五十里

鄧城冶坂城中潭城南城安國城程莊城並在縣西南北中城

在縣南無辟城在縣東冶城在縣西北

溫縣

鐵系西北至府五十里

有趙堡一鎮

周畿內溫邑漢置溫縣屬河內郡東魏天平初改屬武德郡北

齊省隋開皇十六年復置屬河內郡唐武德四年改縣曰季城
并置平州是年州廢縣復故名屬孟州八年屬懷州顯慶二年
屬洛州建中二年屬河陽三城使會昌三年屬孟州明屬懷慶
府

廣濟河在縣北自濟源縣北東南流逕河內縣南又東逕縣北
又東南入黃河沁水支流其在濟源河內者即古朱溝水其
至溫縣入河者即古沙溝水

平皋陂在縣東平皋城西南季陂亦在縣西南

縣故城在今縣西南漢平皋故城在縣東

安昌城在縣東北墳城在縣東司馬城在縣西二十里

原武縣難西至府一百八十里 有陳橋一鎮

戰國魏卷邑漢置卷縣屬河南郡晉改屬滎陽郡魏太平真君

乾隆府廳州縣圖志卷十八 二

八年省太和十一年復置北齊天保七年省隋開皇十六年移
置原武縣于此後改曰原陵唐初復曰原武武德四年屬管州
貞觀元年屬鄭州宋熙寧五年省爲鎮入陽武縣元祐元年復
爲縣屬鄭州奉甯軍金屬鄭州貞祐三年分屬延州元初屬鄭
州後屬開封府尋又屬延州至元九年屬汴梁路明屬開封府
本朝雍正二年改屬懷慶府

陰溝水在縣南自開封府滎澤縣流入東逕陽武入祥符縣界
又賈魯河在縣南馬家渡二里

卷縣故城在縣西北

垣雍城在縣西北五里即衡雍也左傳僖公二十八年晉侯敗
楚師于城濮還至于衡雍長城在縣西安城在縣東南二十里
修武亭在縣東左傳成公十五年晉人及鄭子然盟于修澤扈

亭在縣西北左傳莊公二十二年公與齊侯盟于扈

陽武縣

繁西北至府二百里

有太平延州二鎮

秦置縣漢分置原武縣皆屬河南郡晉省原武以陽武屬滎陽郡東魏改屬廣武郡隋屬滎陽郡唐初屬管州貞觀元年改屬鄴州五代屬開封府元初屬延州至元九年屬汴梁路明屬開封府

本朝乾隆四十八年三月改屬懷慶府

古濟水故道自溫縣流逕開封府之汜水滎澤又東流入縣西皆與河合流自此分南北二濟胡三省云自漢築滎陽石門而濟與河合流入海不復入滎澤矣又古白溝在縣及封丘二縣界今堙

縣故城在今縣東南唐武德四年移今治

乾隆府屬州縣圖志卷之六

十三

棣城在縣北左傳襄公五年諸侯戍陳子囊伐陳會于城棣以救之博浪城在縣東南

延州鎮在縣東北二十里土人謂卽元故州

乾隆府廳州縣圖志卷十九

賜進士及第翰林院編修充 國史館纂修官 臣 洪亮吉撰

河南布政使司

河南府 衝繁

原額人丁九萬四千一百七十二
又滋生人丁二萬三千二百一十九

禹貢豫州之域周初曰洛邑成王營爲東都平王遷都之是爲東周秦莊襄王元年置三川郡漢改曰河南郡後漢建武初徙都之十五年改曰河南尹兼移司隸校尉治此三國魏置司州晉永嘉後陷義熙十二年劉裕平河南復置司州後魏太宗置洛州太和十七年自代徙都之仍曰司州河南尹東魏天平初復曰洛州改置洛陽郡後周大象元年移相州六府于洛陽稱東京置洛州總管府隋開皇元年罷郡改六府置東京尚書省

乾隆府廳州縣圖志卷十九

一

其年廢二年廢總管置河南道行臺三年廢行臺以洛州領縣大業元年建東京改洛州曰豫州三年又改爲河南郡置尹五年改東京爲東都唐武德四年復曰洛州置總管府尋罷府置陝東道大行臺九年罷行臺置都督府貞觀十八年府罷顯慶二年復爲東都光宅元年改曰神都神龍元年復曰東都開元元年改洛州爲河南府天寶元年改東都曰東京上元二年罷京寶應元年復爲東都五代梁爲西都後唐同光元年復爲東都晉天福三年復曰西京宋曰西京河南府洛陽郡熙寧五年分爲京西北路治所金初曰河南府置德昌軍興定元年升爲中京金昌府屬南京路元曰河南路屬河南江北行中書省明爲河南府

府境

東西距三百六十里
南北距五百十五里

八到

東至開封府汜水縣界一百六十里

西至陝州界二百里

南至南陽府南陽縣界五百里

北至懷慶府孟縣界一百八十里

東南至開封府禹州界五百三十里

西南至陝西商州界七十五里

東北至孟縣界七十五里

西北至山西平陸縣界二百十里

自府治至京師一千八百里

土貢

銀 鐵 錫 麝香 黃丹 藥 瓷器 蜜蠟 研果 竹

管縣十

洛陽 偃師 宜陽 新安 鞏 孟津 登封 永甯

澠池 嵩

洛陽縣

衝繁雜郭下 有南南一驛龍門彭婆翟莊白沙四鎮

周初洛邑成王營為王城又于其東定下都謂之成周平王徙居王城為東周戰國時改王城曰河南成周曰洛陽秦置三川

乾隆府廳州縣圖志卷十九 二

郡漢改河南郡治洛陽以河南縣屬之後漢遷都洛陽改洛曰

雒為河南尹治仍領河南縣三國魏復改曰洛陽為司州治後

魏太和中亦遷都于此東魏為洛州洛陽郡治隋大業元年改

建新都又改置河南郡治河南縣移洛陽于郭下同為郡治唐

神龍三年改洛陽曰永昌景龍元年復故與河南縣俱為河南

府治宋熙寧五年併洛陽入河南元祐二年復置金併河南入

洛陽仍為府治

大石山在縣東南四十里接登封縣界亦名石林關塞山在縣

南一名伊闕山亦名龍門山有伊闕關左傳昭公二十六年晉

知蹠趙鞅帥師納王使女寬守闕塞又谷口山在縣西南三十

里孝水出焉山海經縞氐山西十里曰鹿山交觴之水出其陽

俞隨之水出其陰即此山也北邙山在縣北東接孟津偃師鞏

三縣界亦作芒山左傳昭公二十二年王田北山後漢建武十一年城陽王祉葬于北邙其後王侯公卿多葬此

大谷在縣南後漢靈帝中平元年置八關此其一初平二年孫堅討董卓進軍大谷距洛九十里

邾郟陌在縣西左傳宣公三年王孫滿曰成王定鼎于邾郟班固云河南故邾郟地

洛水自陝州盧氏縣流入府境東北逕永寧宜陽入縣南與澗澗二水合又東逕偃師縣南合伊水又東北逕鞏縣西北又東至開封府汜水縣西北入河書禹貢導洛自熊耳東北會于澗澗又東會于伊又東北入于河澗水出澗池縣東澗水出孟津縣東南竝流至縣東南注洛縣境孝水金谷水舊竝注穀水今金谷水在縣東北注澗

乾隆府廳州縣圖志卷十九

三

陽渠在縣東後漢書建武五年王梁爲河南尹穿渠引穀水注洛陽城下東寫鞏川渠成而水不流二十三年張純爲大司空明年上穿陽渠引洛水爲漕百姓得其利按以酈注考之有二道在洛陽城北者王梁之所引道所謂舊瀆也一在洛陽城南至偃師入于洛者蓋卽張純之所穿也又新唐書河南縣有洛漕新潭大足元年開以置租船宋史開寶九年幸西京發卒自洛城市橋鑿渠至漕口三十五里以便饋運皆卽陽渠故瀆也又洛渠在縣西南二十五里通津渠在故河南縣南三里千金塢在縣北

狄泉在故洛陽城中春秋僖公二十九年盟于狄泉

縣故城在今縣東北二十里卽故成周城也唐貞觀六年移今治河南故城在縣西北卽故洛邑王城也漢新城故城在縣南

穀城故城在縣西北唐永昌廢縣來庭廢縣竝近今縣治

前城甘城竝在縣西南前亦作泉左傳僖公十一年揚拒泉梟伊雒之戎入王城二十四年甘昭公有寵于惠后注卽王子帶食邑于甘解城高都城伐惡城竝在縣南左傳二十二年王師軍于解金墉城含嘉城竝在縣東北

唐聚褚氏聚上程聚樊濯聚竝在縣東左傳昭公二十三年尹犇敗劉師于唐二十六年王宿于褚氏

圍鄉在縣東南左傳昭公二十二年單子伐東圍蒯鄉在縣西南二十三年尹辛攻蒯邠垂亭在縣南文公十七年周甘歆敗戎于邠垂

漢故宮在縣東故洛陽城中隋洛陽宮在縣治故宮城內漢上林苑在故洛陽城西隋禁苑在今縣西濯林園華林園竝在故

洛陽城中

乾隆府廳州縣圖志卷十九

四

周靈王陵在縣西南周山上景王陵在縣東威烈王陵在城內東北隅酈道元云栢亭南北有三王陵或言周景王悼王定王也崔浩云定當爲敬

漢明帝顯節陵在縣東南章帝敬陵在縣東南三十九里和帝愼陵在縣東南四十一里殤帝康陵在縣南四十八里安帝恭陵在縣東十五里冲帝懷陵在縣東南十五里順帝憲陵在縣西北十五里質帝靜陵在縣東三十二里桓帝宣陵在縣東南三十里靈帝文陵在縣西北二十里

魏明帝高平陵在縣東南大石山

晉武帝峻陽陵在縣北惠帝大陽陵在縣境

後魏世宗景陵在縣北邙山亦名宣武陵

偃師縣

衝西少南至府七十里

有首陽一驛府前一鎮

殷西亳地春秋時爲周尸氏邑漢置偃師縣屬河南郡晉省入洛陽隋開皇十六年復置宋慶厯二年省四年復置熙寧五年省入緱氏八年復置

轅轅山在縣東南接鞏登封二縣界上有關左傳襄公二十一年欒盈出奔楚過周王使候出諸轅轅景山緱氏山百坯山竝在縣南平石山在縣西南山海經半石之山來需之水出其陽而西流注于伊水合水出于其陰而北流注于洛酈道元云劉水出半石東山又首陽山在縣西北接孟津縣界酈道元云春秋所謂首戴也

鄂嶺坂在縣南五十五里接登封縣界

伊水自汝州伊陽縣流逕洛陽縣南又東北至縣西南五里合

乾隆府廳州縣圖志卷十九

五

洛水書禹貢伊洛瀍澗既入于河縣境合水劉水休水鄆水竝

注洛

緱氏故城在縣南

亳城在縣西亦名尸鄉左傳昭公二十六年劉人敗王城之師于尸氏胥靡城在縣東南左傳襄公十八年楚師伐鄭侵費滑胥靡曹城延壽城在縣南古灰城在縣西南

鄆聚劉聚竝在縣西南左傳隱公十一年王取鄆劉之田于鄆班固云緱氏有劉聚周大夫劉子邑

曲洛在縣東洛水之曲故名穆天子傳天子東遊黃澤宿于曲

洛又義堂路在縣北樂史云卽北坡路古驛路也唐天寶中廢

魏文帝陵在縣西北首陽山南

唐昭宗和陵在故緱氏縣東北五里

宜陽縣 簡東北至府七十里

有福昌三鄉二鎮縣丞驛韓

戰國韓宜陽邑漢置縣屬宏農郡後魏孝昌初置宜陽郡東魏天平初置陽州後又分置甘棠縣後周改陽州曰熊州而齊亦有宜陽縣及周平齊始合爲一隋開皇初郡廢仁壽四年改甘棠曰壽安大業初州廢二縣皆屬河南郡義寧二年復置宜陽郡唐武德元年改郡爲熊州兼領壽安縣二年改宜陽縣曰福昌貞觀元年州廢縣屬穀州六年自澠池徙州治福昌顯慶二年穀州廢二縣皆屬河南府宋慶曆三年廢壽安爲鎮四年復置熙寧五年省福昌入壽安元祐元年復置金改壽安曰宜陽以福昌縣屬嵩州元初併福昌入宜陽仍屬河南府

鹿蹄山在縣東南道元所云甘水發于東麓者也女凡山在縣西南鄴道元云渠谷水所出熊耳山在縣西接永寧縣界後漢

乾隆府屬州縣圖志卷十九

六

建武三年赤眉餘衆向宜陽帝自將征之赤眉震怖乞降積兵甲宜陽城西與熊耳山齊鄴道元云洛水之北有熊耳山雙巒競舉狀同熊耳此自別山不與禹貢導洛自熊耳同也

昌谷水在縣西九十里一名昌澗水自永寧縣流入又東南流入洛縣境渠谷水澗池水五延水黃澗水共水黑澗水豪水甘水竝注洛

縣故城及福昌故城在今縣西隋興泰故城在縣西南

陽市城在縣西九曲城在縣西北八關城在縣東北栢谷城在縣南

隋顯仁宮唐興泰宮在縣西南隋福昌宮唐連昌宮在縣西晉高祖顯陵在縣西北

新安縣 衝東至府七十里

有西關一驛慈澗關門匡口楊寺倉頭石寺北冶石井八鎮

漢于今澠池縣界置新安縣屬宏農郡東晉末分置東垣縣屬河南郡後魏屬新安郡後周保定五年置中州建德六年州廢于東垣置新安郡隋開皇十六年改郡置穀州仁壽四年州廢又省新安縣入東垣大業初改東垣曰新安屬河南郡義寧二年復置新安郡唐武德元年復改穀州貞觀元年移州治澠池縣以縣屬河南府

瞻諸山在縣東南山海經廆山西三十里曰瞻諸之山少水出其陰蜜山在縣南十五里蒙水出焉郁山在縣西南二十里練谷水自山北流入穀水或以爲卽山海經穀山也靑要山在縣西北山海經靑要之山北望河曲南望墀堵畛水出焉北流注于河酈道元謂之疆山驪山亦在縣西北山海經正回之水出焉隋志謂之魏山

乾寧府屬州縣圖志卷十九 七

穀水源出澠池縣西東流合澗水入縣南又東至洛陽縣西南入洛周書我乃卜澗水東澗水西惟洛食國語靈王二十二年穀洛門將毀王宮班固云黽池縣谷水出穀陽谷東北至穀城入洛新安縣禹貢澗水在東南入洛按穀澗澗三水久混據周書澗東之文其水應在王城之西南流入洛卽酈注所謂死穀也澗水旣合于穀不知何時又東合于澗或云周景王墜穀入澗亦無確據又縣境卓澗水波水慈澗水竝注穀水

東垣故城在縣東

古圍城在縣東四十里白超城在縣西

函谷關在縣東北秦故關本在靈寶縣應劭曰武帝時樓船將軍楊僕數有大功恥爲關外民上書乞徙東關于是徙關于新安去宏農三百里

五代唐莊宗陵在縣北七十里黃坂谷明宗徽陵在縣東北十里護駕莊

鞏縣衝西南至府一百二十里

有洛口一驛黑石渡青泥回郭三鎮

春秋周鞏伯邑戰國時東周所居秦置鞏縣漢屬河南郡後魏改屬成臯郡北齊省隋開皇十六年復置仍屬河南郡

九山在縣西南黃山在縣北臨黃河呂不韋書夏后氏孔甲田于東陽黃山

明谿泉水在縣西南北流入洛左傳昭公二十二年晉賈辛帥師軍于谿泉縣境羅水湍水洧水洧水注洛

縣故城及宋永安故城並在今縣西南

鄆城訾城並在縣西南左傳昭公二十三年正月王師晉師圍鄆郊鄆潰四月單子取訾又洛口倉城在縣東

乾隆府廳州縣圖志卷十九

八

次欲聚在縣東左傳僖公二十四年王出及坎欲國人納之又黃亭在縣西亦作皇左傳昭公二十二年王猛居于皇杜預云鞏縣西有榮錡澗左傳王崩于榮錡氏卽此

宋太祖永昌陵在縣西南四十里太宗永熙陵在昌陵西一里眞宗永定陵在昌陵北十里仁宗永昭陵在定陵西北五里英

宗永厚陵在昭陵西一里神宗永裕陵在昭陵西三里哲宗永泰陵在昌陵西三里

孟津縣衝西南至府四十五里

有長泉舊縣雙槐油房四鎮

古孟津地春秋周平陰邑秦置平陰縣漢屬河南郡三國魏改

河陰後魏太宗并入洛陽正始二年復置東魏元象二年置河陰郡隋開皇初郡廢大業初仍併縣入洛陽唐爲洛陽河清二

縣地宋開寶元年徙河清縣于此金改曰孟津貞祐三年升爲

陶州尋復爲縣

穀城山在縣西六十里瀘水出此酈道元謂之穀城縣北山博物記謂之潛亭山

硤石在縣西二十里晉永嘉末魏浚與流人數百家東係河陰之硤石

庸庸水源出新安縣北東至縣境入河酈道元云出垣縣宐蘇山俗謂之長泉水伊洛門也其水北流分爲二一水北入河水又東北流注于河

平陰故城漢平縣故城唐河清故城並在縣東

回洛城在縣東

漢世祖原陵在縣西十五里

登封縣 簡西北至府一百二十里 有告成潁陽二鎮

乾隆府屬州縣圖卷十九

七

古陽城邑秦置陽城縣漢元封元年分置密高縣皆屬潁川郡後漢省密高入陽城晉以陽城縣屬河南郡後省後魏太和十三年置堙陽縣正光中復置陽城縣孝昌二年置陽城郡東魏天平初于堙陽置中川郡後周中川郡廢隋開皇初廢陽城郡十六年于陽城縣置嵩州仁壽四年州廢其堙陽縣開皇六年改曰武林十八年改曰輪氏大業元年改曰嵩陽與陽城皆屬河南郡唐武德四年復置嵩州貞觀三年州廢屬洛州十七年省嵩陽入陽城永淳元年分陽城緱氏地復置嵩陽縣二年省光宅元年復置嵩歲登封元年改陽城曰告成嵩陽曰登封神龍元年俱復故名二年復曰告成登封皆屬河南府天祐二年改告成曰陽邑後唐復曰陽城周顯德中省入登封

嵩山在縣北古曰外方又曰嵩高亦曰太室其西曰少室書禹

賈熊耳外方桐栢左傳昭公四年晉司馬侯曰陽城太室九州之險史記昔三代之君皆在河洛之間故崇高爲中嶽班固云嵩高縣武帝置以奉太室山有太室少室山廟古文以嵩高爲外方山今中嶽廟在縣東八里黃蓋峰下陽城山在縣東北班固云陽城縣陽城山洧水所出箕山大熊山竝在縣東南孟子益避禹之子于箕山之陰大熊山卽古大誓山山海經大誓之山狂水出焉西南流注于伊水陽乾山在縣西南班固云陽城縣陽乾山潁水所出荷箔山亦在縣西南酈道元云倚薄水出倚薄山

鬼谷在縣東南潁谷在縣西南左傳隱公元年潁考叔爲潁谷封人

潁水在縣南東流入開封府密縣界班固云潁水東至下蔡入淮過郡三行千五百里縣境五渡水石淙水竝注潁大狂水與

湮水合西注伊水

陽城故城在縣東南今爲告成鎮潁陽故城在縣西南今爲潁陽鎮又堙陽廢縣在潁陽鎮西

負黍亭在縣西南左傳定公六年鄭伐負黍

唐奉天宮在縣北嵩山南
測景臺在縣東南周禮大司徒以土圭之法測土深正日景以求地中日至之景尺有五寸謂之地中疏周公度日景之時置五表潁川陽城爲中表

礪坂關在縣東南又石羊關在縣東南告成鎮東二十里
後漢高祖睿陵在縣東測景臺左又圖經縣西北少室谷有周昭王陵

永寧縣 簡東北至府一百九十里

漢澠池宜陽二縣地晉以後為澠池縣地東魏置金門郡西魏分置北宜陽縣屬宜陽郡廢帝二年改曰熊耳後周改置同軌郡隋開皇初郡廢屬河南郡義寧二年改縣曰永寧屬宜陽郡唐武德元年屬熊州三年分置函州八年州廢仍屬熊州貞觀元年屬穀州顯慶二年州廢屬河南府金正隆六年改屬嵩州元屬河南路

金門山在縣西南酈道元云金門谿水黍良谷水皆出金門山漢建武二年強弩偏將軍陳俊轉擊金門白馬皆破之即此檀山在縣西嶠山在縣北六十里西北接陝州界東接澠池縣界春秋僖公三十三年晉人及姜戎敗秦師于嶠呂不韋書天下九塞嶠其一也杜預云古道由南谷中魏武帝西討巴漢惡其險而更開北山高道杜佑云曹公所開北道即春秋時舊路也高門水在縣西東南流入洛縣境黃城溪水荀澗水庫谷水金門谿水白馬谿水欵水竝注洛

乾隆房廳州縣圖志卷十九

土

回谿在縣北六十里後漢建武二年馮異與赤眉戰敗棄馬步走上回谿阪尋復戰大破赤眉于嶠底

宣利渠在縣南三里又有新興渠萬相渠皆分洛水以溉田

縣故城在今縣東北又東魏金門廢縣在縣南廢嶠縣在縣北隋洛水廢縣在縣西長水廢縣在縣西南

同軌城在縣東高門城龍驤城石勒城永昌城竝在縣西

唐崎岫宮蘭峯宮竝在縣西

夏后皋陵在縣北嶠山側

澠池縣 衝東至府一百六十里 有義昌蠡城二驛嶠店一鎮巡檢駐南村

戰國時澠池邑初屬韓後屬秦漢景帝置涇池縣屬宏農郡後魏太和十一年改置北澠池縣後又置澠池郡周改置河南郡大象中郡廢縣屬同軌郡隋開皇初仍爲澠池縣屬熊州十六年屬穀州大業中屬河南郡唐武德元年屬穀州貞觀元年徙州來治六年州徙治福昌以澠池屬之顯慶二年屬洛州開元元年屬河南府金末于縣置韶州元至元八年州廢屬河南路後屬陝州明屬河南府

馬頭山在縣西南鄴道元云穀水出嶠東馬頭山穀陽谷李吉甫作穀陽山百石山在縣東北二十里澗水出此山海經白石之山澗水出其陰世謂是山爲廣陽山亦名澠池山又砥塢洞在縣北二十里產銀西關洞在縣北百里產鉛

黃河自陝州流入縣北又東逕新安孟津鞏縣北入開封府界

乾隆府廳州縣圖志卷十九

十一

書禹貢導河東至于厓柱又東至于孟津東過洛汭鄴道元云河水自厓柱以下五戶以上其間百二十里河水竦石築出勢連襄陸蓋亦禹鑿以通河疑此闕流其山雖關尚梗湍流有一十九灘水流迅急勢同三峽五戶灘名也圖經河自孟津而上多循山麓行至孟津地平土疏河勢漸漲潰溢之患自孟津始縣故城在今縣西唐貞觀三年移今治漢新安故城在縣東東魏俱利故城在縣西

大塢城在縣北十五里隋大業中嘗移縣治此

唐紫桂宮在縣西

周桓王陵在縣東北百二十里臨河

嵩縣

難東北至府一百六十里

有鳴臯營縣辛店三鎮巡檢駐舊縣

春秋陸渾戎地漢置陸渾縣屬宏農郡晉改屬河南郡宋以後

廢東魏改置北陸渾縣屬新城郡又置北荊州伊陽郡及南陸渾縣後周改北荊州曰和州隋開皇初郡廢改置伊州省北陸渾八南陸渾又改曰伏流四年州移治承休大業初改縣曰陸渾屬河南郡唐先天二年又析置伊陽縣五代時省陸渾入伊陽宋紹興初于縣置順州金天德三年更名嵩州屬南京路元至元三年省伊陽縣入州八年屬南陽府明洪武二年廢州爲嵩縣屬河南府

三塗山在縣西南周書武王曰我南望過于三塗左傳昭公四年司馬侯曰四嶽三塗九州之險也十七年晉侯使屠蒯如周請有事于洛與三塗伏牛山在縣西南百里接盧氏內鄉二縣界汝水所出班固云定陵縣高陵山汝水出水經汝水出梁縣勉鄉西天息山鄆道元云地理志曰高陵山卽猛山也亦言出魯陽縣之大孟山又言出盧氏縣還歸山博物志曰汝出燕泉山竝異名也又攻離山亦在縣西南水經清水出盧氏縣攻離山陸渾山在縣西北天礦山在縣西北百里接永寧界產金銀

錫三品

汝水在縣南東北流入汝州伊陽縣界班固云汝水東南至新蔡入淮過郡四行千三百四十里伊水亦在縣南自陝州盧氏縣流入又東北流入汝州伊陽界縣境鬻略水王母澗水黃寨水高都水樊水順陽水馬回水空桑澗水沙溝水竝注伊水陸渾故城及南陸渾故城竝在縣東北東魏東亭故城在縣西太和城在縣南太和山下

魏畧在縣西北左傳僖公十五年晉侯賂秦伯以河外列城五東盡魏畧

陸渾關在縣北七十里班固曰陸渾縣有關

南陽府 衝繁難

原額人丁三十七萬七千四百四十八
又滋生人丁四萬三千五百六十一

禹貢豫州之域春秋為申鄧二國地戰國分屬楚韓秦始置南陽郡漢南陽郡治宛三國魏置荊州晉為南陽國南北朝宋仍為郡後魏屬荊州隋開皇初郡廢大業初屬南陽郡唐武德三年改置宛州貞觀八年州廢屬鄧州金末始于南陽縣置申州與鄧州俱屬南京路元至元八年升為南陽府屬河南江北行省明屬河南布政使司

本朝因之軍捕水利同知一駐浙川縣

府境

八到

東西距五百八十里
南北距三百五十里
東至汝寧府遂平縣界二百八十里
西至湖北鄖陽縣界三百里

乾隆府廳州縣圖志卷十九

十四

南至湖北襄陽縣界一百八十里
北至汝州魯山縣界一百七十里
東南至汝寧府信陽州界三百八十里
西南至湖北均州界二百五十里
東北至許州襄城縣界二百七十里
西北至陝西商南縣界四百二十里
自府治至京師二千一百四十五里

土貢

銅 鐵 錫 絹 絲布 木 棉 麻 靛 漆
礬紅 石青 屏風石 香橙 羊桃 白菊花 白
花蛇 綠毛龜

管縣十一州二

南陽 南名 唐 泌陽 桐栢 鎮平 鄧州 浙川

新野 內鄉 裕州 舞陽 葉

南陽縣

衝繁難郭下

有宛城博望林水三驛石橋一鎮巡檢二駐林水及縣旗店

周初申國春秋楚宛邑漢置宛縣為南陽郡治後魏分置上陌縣周省宛縣入上陌改曰上宛隋開皇初改南陽縣屬鄧州

大業初屬南陽郡唐武德三年置宛州貞觀八年州廢縣仍屬鄧州金末置申州于此元爲南陽府治

豐山在縣東北三十里精山在縣北後漢書朱儁追孫夏至西鄂精山破之

梅谿水在縣西二十里南流入清水

漢育陽故城在縣南六十里杜衍故城在縣西南二十三里博

望故城在縣東北六十里後魏武川故城在縣北

申城在縣北二十里呂城在縣西三十里武城在縣北左傳僖

公六年蔡穆公將許僖公以見楚子于武城小長安城在縣南

皇后城在縣東北三公城在縣東南

南名縣 難郭下 巡檢駐李青店

本漢西鄂雒縣地明初置巡檢司成化十三年始置南名縣

乾隆府廳州縣圖志卷十九 十五

本朝順治十七年廢入南陽雍正十二年復置

衡山在縣南以舊在雒縣界一名稚衡山班固云雒縣衡山醴

水所出

清水自河南府嵩縣東南流入縣西又逕南陽縣東分流爲二

一南流逕新野縣西合潦河湍水又南流合刀河入湖北襄陽

縣界一南流至郭家灘合泌水又西南流入襄陽界還入清又

南流入漢俗謂之白河府境諸水悉會焉又醴水出縣南東流

逕葉縣南舞陽縣北入許州鄆城界班固云澧水東至鄆入汝

魯陽關水在縣魯陽關南七里一名三鴉水注清

漢西鄂故城雒縣故城後魏向城故城並在縣南岐州城有二

俱在縣西六十里後魏置東西二岐州于此

唐縣 繁難西至府一百二十里 有明陽桐河二鎮

本漢棘陽縣地後魏分置襄城郡上馬縣隋郡廢屬舂陵郡唐武德四年屬湖州貞觀元年廢開元十六年復置上馬縣天寶元年改曰泌陽屬唐州天祐三年自比陽移唐州來治改曰泌州五代後唐復曰唐州晉又曰泌州漢復曰唐州宋曰唐州淮安郡金曰唐州元屬南陽府明初省縣入州後廢州爲唐縣唐子山在縣南百里唐因以名州山麓西南有唐子亭卽唐子鄉也王莽末劉演等起兵自新野進屠唐子鄉零山在縣南九十里古蓼國以此名

秋河在縣東南七十里自湖北隨州北流入縣境西合三家河入汎水縣境清水河盧家寨河澗河昆河並注汎水

名渠在縣西漢名信臣守南陽障水溉田民賴其利唐刺史盧庠宋守趙尚寬又相繼修濬按南陽縣東北十五里豫山下有三十六陂亦名信臣遺蹟今址尚存

乾隆壽陽州縣圖志卷十九

十六

漢湖陽故城在縣南八十里又後魏鍾離廢縣在縣東南柘林廢縣在縣西南

謝城在縣南詩肅肅謝功名伯營之青臺城在縣北七十里接

裕州界

泌陽縣繁難西至府二百里有古路饒良羊柵三鎮

漢置泌陽縣屬南陽郡宋屬廣平僑郡後魏太和中于縣置東荆州西魏改州爲淮州隋開皇初又改顯州大業初改爲淮安郡唐武德四年復曰顯州置總管府貞觀元年府罷九年改曰唐州天寶初曰淮安郡乾元初復曰唐州天祐三年朱全忠徙州治泌陽以比陽爲屬縣元至元三年省入州治泌陽縣明初省泌陽縣入州洪武十四年改置泌陽縣于故比陽地屬南陽

府

中陽山在縣東北接舞陽縣界一名中陰山又名上界山班固云舞陰有中陰山觀水出焉天胡山在縣東北七十里一名大狐一名壺山春水河出焉縣東六十里有銅山爲大胡支山舊產銅慈丘山在縣西北三十里澳水出焉酈道元作茈丘云古名重丘史記秦會韓魏齊兵伐楚敗其兵于重丘莸子山在縣西北七十里灑水所出酈道元云山海經朝歌之山灑水出焉東流入于滎經書扶子者其山之異名乎

泚水亦名泌水源出縣東銅山西南流逕縣南又逕唐縣西北名曰唐河又逕新野縣東入于清水呂不韋書齊令章子與韓魏攻荆荆使唐蔑將兵應之夾泚而軍縣境蔡水澳水等竝注泚又觀水在縣東北東流合泚水入汝甯府界班固云觀水東至上蔡入汝舞水源出縣西北亦作灑水平地湧出勢若飛舞東北流逕葉縣東南名干江河又東逕舞陽縣南爲三里河其南有舞泉流入焉又東合港河濼河入汝甯府界

馬仁陂在縣北七十里上有九十二畝水悉注陂中周五十餘里漢太守召信臣築堤畜水復作水門今故跡猶存又長洋陂在縣西南五里

比陽故城在縣西漢舞陰故城後魏期城故城在縣西北昭越故城在縣東隋慈丘故城在縣北五十里後魏城陽廢縣在縣

南

舜城在縣北三十里吳軍城在縣東北八十里

桐栢縣在西北至府三百里有吳城一鎮

漢置平氏復陽二縣屬南陽郡晉省復陽以平氏屬義陽郡宋

省梁置淮安縣又置華州及上川郡西魏初改州曰淮州廢帝三年又改純州尋廢隋開皇初郡廢改縣曰桐栢大業初屬淮安郡唐武德初于縣置純州貞觀元年州廢縣屬唐州元至元三年廢明成化十二年復置屬南陽府

桐栢山在縣西南三十里東南接湖北隨州界西接襄陽府棗陽界書禹貢導淮自桐栢班固云平氏縣桐栢山在東南按大復胎簪皆其支峰故水經及風俗通又云淮水出胎簪山大復山也縣東有淮瀆廟天木山在縣東北一百里接信陽州界大木水出焉酈道元云卽晉將軍祖逖自陳畱將家避難所居也圍山在縣北四十里接泌陽界舊出銀礦

淮水源出縣西三十里東流入汝寧府界班固云淮水東南至淮陵入海過郡四行三千四百二十里應邵云淮水與澧水同源俱導西流爲澧東流爲淮今澧水自縣西北流逕唐縣南注此水俗名三家河

乾隆府廳州縣圖志卷十九

十六

縣故城在今縣東六十四里故縣鎮漢義陽故城復陽故城在縣東平氏故城在縣西隋淮南廢縣在縣界

光武城在縣東一百十里澧陽城在縣西三十里隔城在縣西北

鎮平縣 簡東至府七十里

漢置涅陽縣屬南陽郡隋開皇初改曰溧陽唐武德初屬鄧州貞觀元年省入穰縣金末始置鎮平縣屬申州元屬南陽府明洪武二年省入南陽縣十四年復置

涅水源出縣西北踰立山之三潭東南流逕鄧州東北入湍水涅陽故城在縣南漢安衆故城在縣東南

紫城在縣西北

鄧州繁難東北至府一百二十里

有板橋總灘千金張村
穰東五鎮

春秋鄧國地戰國秦穰邑漢置穰縣屬南陽郡晉初屬義陽郡後改屬新野郡後魏太和中移置荊州于此隋開皇初改曰鄧州大業初改南陽郡唐武德二年仍曰鄧州三年置總管府四年府廢天寶初復曰南陽郡乾元初仍曰鄧州五代梁置宣化軍節度唐改威勝軍周改武勝軍宋亦曰鄧州南陽郡武勝軍節度金曰鄧州武勝軍節度元為鄧州屬南陽府明洪武初省

穰縣入州

鉗盧陂在州東南五十里一名玉池陂今名迪陂南北八里東西三里接唐堵堰引刀河水又接柳渠賈家堰諸水入陂內有東西中三渠張衡南都賦其陂澤則有鉗盧玉池李吉甫云漢名信臣造累石為堤旁開六石門以節水勢澤中有鉗盧玉池因名後漢杜詩復修之又六門陂在州西亦信臣所造晉杜預復更闢廣預又作楚堰在州西北六十里

乾寧府廳州縣圖志卷十九

十九

穰縣故城在州外城東南隅漢朝陽故城在州東南冠軍軍故城在州西北四十里新城故城在州西北七十里樂城故城在州西南三十里唐平晉故城在州東南

東陽城在州東白牛城在州東北馬園城在州東北七十里魏武城在州西南五里餘

浙川縣

難東北至府二百四十里

有峽口一鎮

本漢析縣地後魏始置析川縣屬析川郡後周省入中鄉唐武德初復置析州領析川縣貞觀八年州縣皆省入內鄉五代梁置浙川縣宋屬鄧州元初復并入內鄉明成化七年復分內鄉

置屬鄧州

本朝與新野內鄉並改屬南陽府

浙水源出陝州盧氏縣界南流逕內鄉縣流入縣東南與丹水

合流入均水

漢順陽故城在縣東丹水故城在縣西南鄉故城西魏安山故

城在縣東南又縣故城在今縣東三十里明成化六年移今治

三戶城在縣西南左傳哀公四年晉人執戎蠻子以異楚師于

三戶商於城在縣西龍城在縣東南一百二十里

密陽鄉在縣西左傳僖公二十五年楚鬥克屈禦寇以申息之

師戍商密班固曰丹水密陽鄉故商密也

新野縣 衡西北至府五十里 有湍陽一驛

漢置縣屬南陽郡晉初為義陽郡治後改置新野郡後周郡廢

乾隆府廳州縣圖志卷十九

辛

改縣曰棘陽隋開皇初復曰新野大業初仍屬南陽郡唐武德

四年于縣置新州旋廢縣屬鄧州乾元後省入穰縣宋金為新

野鎮元復置縣屬鄧州

白水在縣西南東流入清

樊陂在縣西北漢樊重開此陂以灌溉因名

縣故城在今縣治南元始改置今治漢新都故城在縣東棘陽

故城劉宋河南故城在縣東北

內鄉縣 繁難東至府一百九十里

有馬尾一鎮巡檢駐峽

春秋楚析邑漢置析縣屬宏農郡後漢改屬南陽郡晉屬順陽

郡劉宋省魏置西析陽縣為析陽郡治西魏改內鄉後周改中

鄉隋復曰內鄉大業初屬析陽郡唐武德四年改置析州于此

貞觀八年州廢縣屬鄧州

高前山在縣西南十里山海經翼望山東南五十里曰高前之山其上有水焉甚寒而清帝臺之漿也墨山在縣西北五十里霄山在縣西北百里刀水出焉

湍水在縣北界山中南流逕縣城東又東南逕鄧州新野合清又縣境澗水朝水注清班固云盧氏縣熊耳山又有澗水東南至魯陽入沔鄴道元以爲注于清水又鞠水黃水並注澗班固云析縣黃水出黃谷鞠水出析谷俱東至鄴入湍水菊水卽菊澤也

丹水自陝西南州流入縣西南又東南逕淅川縣滙黑馬黃龍二泉東合均水史記周赧王三年秦人大敗楚師于丹陽又均水自陝州盧氏縣流入縣西至西峽口爲三渡河又南逕析川縣爲馬蹬河又南流合丹水入湖北均州界

乾隆府廳州縣圖卷十九

五

漢鄴縣故城在縣東北析縣故城西魏修陽故城唐菊潭故城並在縣西北默水廢縣在縣北

漢王城在縣北房陽城在縣東北

裕州 衝繁西南至府一百二十里

有褚陽一驛平臺一鎮

春秋楚方城地秦置陽城縣漢改堵陽縣屬南陽郡劉宋改爲堵陽後魏改置方城縣屬襄城郡西魏爲襄邑郡治隋開皇初郡廢縣屬清州大業初屬清陽郡唐武德初于縣置北澧州貞觀八年改曰魯州九年州廢縣屬唐州宋慶曆四年省入南陽元豐元年復置仍屬唐州金泰和八年始置裕州元屬南陽府明洪武初省方城縣入州

褚水自州西南流逕唐縣西爲黃水又西南流逕新野縣東爲棘水又南流入于清按本名堵水漢縣以此名

堵陽故城在州東六里後魏北平故城在州東南

舞陽縣前西南至府二百七十里

有北舞一鎮

戰國魏舞陽邑漢置舞陽定陵二縣屬潁川郡晉屬襄城郡劉宋省魏皇興初改定陵置北舞陽縣永安中置定陵郡隋開皇初郡廢改縣曰北舞大業初屬潁川郡唐初屬道州貞觀初廢開元四年復置舞陽縣屬仙州二十六年改屬許州宋屬潁昌府金泰和八年與葉縣竝改屬裕州元至元三年省入葉縣後復置

本朝同屬南陽府

高陵山在縣北定陵城西班固云高陵山汝水出

縣故城在今縣西唐元和十三年移治吳城金時移今治定陵故城在縣北十五里漢紅陽故城在縣西北紅山之南

乾隆府屬州縣圖志卷十九

五

東不羹城在縣西北左傳昭公十一年楚子城陳蔡不羹司馬

彪云定陵有東不羹襄城有西不羹吳城在縣東三十里

葉縣

衝南至府一百三十里

有淦水保安二驛臨墳舊縣
保安洛岡四鎮巡檢兼驛丞
駐保安

春秋楚葉邑漢置縣屬南陽郡晉屬襄城郡劉宋大明元年省魏復置北齊移襄州來治後周州廢置南襄城郡隋開皇初郡廢大業初縣屬潁川郡唐武德四年于縣置葉州五年州廢縣屬北澧州貞觀中屬許州開元四年置仙州二十六年州廢縣屬汝州大曆四年復置仙州五年又廢縣仍屬汝州金屬裕州方城山在縣南四十里跨裕州界左傳僖公四年楚屈完對齊侯曰楚國方城以爲城相近有黃城山又西唐山在縣西南六十里酈道元云昆水出魯陽唐山又醴水東流歷唐山下

涇水自汝州寶豐縣東流入縣北又逕舞陽北入許州襄城界
左傳僖公三十三年楚人與晉人夾涇水而軍涇水在縣北亦
自寶豐縣流入東流入襄城界左傳襄公十六年楚公子格及
晉師戰于澨阪又縣境昆水至舞陽縣注汝

陂在縣東南有東西二陂

縣故城在今縣南三十里舊縣鎮後魏建城故城在縣西南東
魏南安故城在縣南北齊汝墳故城在縣北後魏高陽廢縣在
縣北河山廢縣在縣西北唐仙鳧廢縣在縣南
方城在縣南左傳文公三年晉陽處父伐楚以救江門于方城
唐城在縣西南西唐山南蒲城在縣北二十里

東魏高陽縣在縣西南四十里

式縣在縣南八十里

魏其南山在縣西五里

魏南武姑城在縣南其水也

魏武姑城在縣南三十里

魏武姑城在縣南三十里

晉南鄉于葛野父

晉南鄉于葛野父

晉南鄉于葛野父

乾隆府廳州縣圖志卷二十

賜進士及第翰林院編修充國史館纂修官臣洪亮吉撰

河南布政使司

汝寧府衝繁難

原額人丁一十一萬八千八百五十一
又滋生人丁九千九百三十二

禹貢豫州之域周為蔡及房沈道栢諸國地戰國屬楚秦為潁川郡地漢置汝南郡屬豫州宋元嘉末僑置司州後魏皇興中改為潁州東魏置行臺後周置總管府大象二年改潁州為舒州隋開皇初郡廢仍改舒州為潁州仁壽四年改溱州大業二年改蔡州尋復為汝南郡唐武德四年復為潁州置總管府貞觀元年府罷天寶初仍曰汝南郡乾元初復為潁州寶應初又改蔡州屬河南道置彰義節度使宋曰蔡州汝南郡淮康軍節度屬京西北路金曰蔡州鎮南軍屬南京路元至元三十年升汝寧府屬河南行省明屬河南布政使司

乾隆府廳州縣圖志卷二十

本朝雍正二年分光州為直隸州以光山固始商城息四縣屬之分巡南汝光道駐信陽州

府境

東西距二百四十五里
南北距五百九十五里

八到

東至陳州府項城縣界七十五里
西至南陽府泌陽縣界一百七十里
南至湖北黃陂縣界四百八十里
北至陳州府西華縣界一百十五里
東南至光州息縣界一百八十里
西南至湖北隨州界三百七十里
東北至陳州府項城縣界八十里
西北至許州鄆城縣界一百九十里
自府治至京師二千三百里

土貢

織 葛布 綿纈 薑 茶 著艸 藥

管縣八州一

汝陽 正陽 上蔡 新蔡 西平 遂平 確山 信

陽州 羅山

汝陽縣 繁雜郭下

有汝陽一驛黃岡陽埠廟灣射子寒凍五鎮巡檢駐廟灣

周蔡國漢上蔡縣地晉為上蔡之懸瓠城東晉移汝南郡治懸瓠後魏又移上蔡縣于此隋大業初改曰汝陽仍為汝南郡治鴻郟陂在縣東十里一名鴻隙陂亦名鴻池陂受淮北諸水漢書汝南舊有鴻郟大陂郡以為饒成帝時關東數水陂溢為害翟方進遂奏罷之後歲旱民失其利後漢書鄧晨為汝南太守修復鴻郟陂田數千頃起塘四百餘里汝土以饒漢平輿故城在縣東南六十里安成故城在縣東南宜春故城在縣西南劉宋保城廢縣在縣南三十里

馬鄉城在縣南六十里又沈亭在縣境春秋文公三年叔孫得

乾隆府屬州縣圖志卷三

二

臣會晉人伐沈杜預云平輿北有沈亭

金哀宗陵在縣北汝水之旁

正陽縣

繁北至府一百二十里

有正陽一鎮

漢置慎陽縣屬汝南郡後魏永安三年於縣置郢州東魏天平四年廢州置義陽郡北齊廢郡隋開皇十一年廢縣十六年置真丘縣大業初改曰真陽屬汝南郡唐載初元年改曰淮陽神龍初復故屬蔡州金太和八年改屬息州元至元三年省入息州尋復置屬汝寧府明洪武四年省入汝陽宏治十八年復置本朝雍正元年改曰正陽

慎水在縣南一里流遶縣城東北入汝漢置慎陽縣以此水得名後傳寫誤作慎應劭又云慎水出縣東北入淮汶水在縣東北五十里慎水分流也亦東注汝

愼陽故城在縣北四十里武陽故城在縣西南北齊白苟故城在縣東南

臨淮城在縣南八十里

上蔡縣

繁難南至府七十里

有上蔡一驛邵店一鎮

周蔡國戰國屬楚爲上蔡邑秦置縣漢屬汝南郡後魏神龜三年改置臨汝縣北齊廢隋開皇中置武津縣屬濠州大業三年復曰上蔡唐屬蔡州元屬汝南府

縣故城在今縣西武津故城在縣東

新蔡縣

簡西北至府一百四十里

春秋時蔡徙都此秦置新蔡縣漢屬汝南郡晉分屬汝陰郡惠帝分立新蔡郡後魏仍爲郡治東魏置蔡州北齊州廢改置廣甯郡隋開皇初郡廢十六年縣改廣甯置舒州仁壽初改縣曰汝北大業初州廢縣復曰新蔡唐武德初復置舒州貞觀初州廢縣屬豫州寶應初屬蔡州金泰和八年改屬息州元至元三年省入息州明洪武四年復置屬汝南府

乾隆府廳州縣圖志卷二

三

青陂在縣西南接息縣界久廢史記陳勝將呂臣與當陽軍黥布擊秦軍破之青陂葛陂在縣北七十里後漢書靈帝中平五年校尉鮑鴻攻黃巾于葛陂

漢銅陽故城在縣東北七十里葛陵故城在縣西北五十里北齊永康廢縣在縣東南隋舒城廢縣在縣北

壺丘城在縣東南左傳文公九年楚侵陳克壺丘櫟城在縣北二十里昭公四年吳伐楚入櫟四望城在縣東二十五里毛城在縣西

繁陽亭在縣北左傳襄公四年楚爲陳叛故猶在繁陽又大呂

亭在縣東

西平縣衝繁東南至府二百二十里

有西平一驛重渠蔡岩堡封三鎮

春秋時栢國漢置西平縣屬汝南郡後漢建初七年置西平國章和二年仍爲縣後魏分置襄城郡北齊改爲文城郡隋開皇初郡廢大業末縣廢唐武德初復置貞觀初省入鄆城天授二年復置屬豫州寶應初屬蔡州元和十二年改屬澠州尋復故元屬汝寧府

汝水自南陽府舞陽縣界流入縣北又東南逕上蔡汝陽新蔡入光州息縣界卽無水本流俗謂之淇河按汝源出天息山由許州鄆城縣流入西平縣此古汝水舊道也元末因汝水泛溢爲蔡害于舞陽塌斷故汝遂以無水及西平縣西雲莊諸山水爲汝水上游及明嘉靖中西平水斷汝水祇上承遂平濯瀨諸水流繞府城而東下蓋汝源凡三易矣澗水亦名淇河自許州鄆城縣流入縣東北又東逕上蔡汝陽新蔡注汝水本汝水分流也

縣故城在今縣西漢定潁故城在縣東後魏武陽故城在縣西南

棠谿城在縣西北百里冶鑪城在縣西七十五里

栢亭在縣西故栢子國左傳僖公五年江黃道栢方睦于齊

遂平縣衝繁東南至府九十里 有遂平一驛

春秋時房國漢置吳房縣屬汝南郡宋省後魏改置遂寧縣屬襄城郡隋大業初復曰吳房仍屬汝南郡唐貞觀初廢八年復置屬豫州寶應初屬蔡州元和十二年改曰遂平屬唐州長慶初還屬蔡州元至元七年省入汝陽大德八年復置屬汝寧府

查牙山在縣西七十里唐書李愬遣將董少玢等攻淮西下馬鞍山拔道口柵剽將馬少良等下啞呀山

觀水自南陽府泌陽縣流入縣南東北逕上蔡縣又東南逕汝陽縣東南入汝又濯水在縣北五里東南流合觀水

吳房故城在縣西漢濯陽故城在縣東南後魏義綏廢縣在縣北

確山縣 衝繁東北至府九十里 有確山一驛毛城竹溝明港三鎮

周為道國漢置朗陵縣屬汝南郡宋分置初安郡尋廢後魏改置安昌縣及初安郡隋開皇初郡廢十六年改安昌縣曰朗山屬蔡州大業初屬汝南郡唐初置北朗州貞觀初州廢縣屬豫州寶應初屬蔡州宋大中祥符五年改曰確山以縣東南二里確山得名屬蔡州元屬汝寧府明洪武初省入汝陽十四年復置

乾隆府屬州縣圖志卷二十一 五

朗陵山在縣東南四十里漢以此名縣應劭曰朗陵山在縣西

南

練水源出縣之樂山逕縣北三十里俗稱黃酉河東逕汝陽縣西諸小川匯入焉至縣東南入汝水宋端平初孟珙與元人圍蔡州決練江卽此溱水自南陽府桐栢縣流入縣境東北流至汝陽縣注汝水按圖經溱水再入汝與酈注異汝陽東南入汝之汝以濯觀為汝水也新蔡三畝口入汝之汝以灑瀝為汝水也自汝水故道全失而俗所稱汝河俱非復舊時水道矣

朗陵故城在縣西南三十五里漢陽安故城在縣東北安昌廢

縣在縣西

道城在縣東北左傳僖公五年道栢方睦于齊

桑里亭在縣東左傳成公六年晉侵蔡楚救蔡禦諸彘隧

信陽州

喬繁難東北至府二百七十里

有信陽明港二驛
興安一棗州判駐
平昌關巡檢二驛
明港及楊家堂

春秋楚冥阨地漢置鄆鍾武二縣俱屬江夏郡後漢省鍾武置
平春縣晉改屬義陽郡東晉孝武改平春日平陽後又移義陽
郡治平陽宋泰始中于義陽郡置司州後魏正始元年改曰鄆
州梁大通二年改曰北司州東魏武定七年改曰南司州後周
平齊改州曰申州郡曰宋安隋初郡廢改縣曰義陽大業初改
州曰義州尋復曰義陽郡唐初復曰申州天寶初亦曰義陽郡
乾元初復曰申州宋開寶九年降爲義陽軍太平興國元年改
曰信陽軍信陽縣端平後荒廢元至元十四年升爲信陽府明
年降爲州屬汝甯府明洪武十五年降州爲縣成化十二年復

爲州

乾隆府廳州縣圖志卷二十

六

石城山在州東南七十里卽古之冥山也亦名固城山戰國策
蘇秦說韓昭侯曰韓卒之劍戟皆出于冥山呂不韋書天下九
塞其一冥阨樂史云晉于此山上置義陽郡今廢城猶在又州
南六十里有金山七十里有峴山梁天監三年詔曹景宗救義
陽頓鑿峴不進卽此賢首山在州西南七里梁天監二年魏元
英寇義陽司州刺史蔡道恭遣將楊由帥城外居民保賢首山
淮水自南陽府桐栢縣流入州北四十五里又東逕正陽羅山
入光州息縣界縣境油水大木水澗水並注淮无渡水合澗水
注淮

義陽僑郡城在州南四十里漢成陽故城在州東北平春故城
隋淮源故城在州西北漢鍾武故城劉宋還水故城在州東南

隋鍾山故城在州東南十八里

武城在州東北二十五里下梁城在州東南三十里曹城在州東南三十五里

平靖關在州東南九十里南至湖北應山縣亦九十里有大小石門鑿山通道極爲險隘卽春秋時冥阨也左傳定公四年吳伐楚自淮涉漢楚左司馬戍請還塞大隧直轅冥阨自後擊之圖經左傳之大隧卽黃峴今名九里關在州南九十里直轅卽武陽關今名大寨嶺在州東南一百五十里冥阨卽平靖今名行者陂

羅山縣

繁難北至府二百三十里

有大勝關巡檢駐

漢郟縣地宋孝建三年分置寶城縣屬義陽郡南齊曰保城縣後魏屬齊安郡北齊改置高安縣隋開皇初縣廢十六年改置

乾隆府廳州縣圖志卷二

七

羅山縣以縣南十里羅山名唐武德四年于縣置羅州八年州廢縣屬申州宋開寶九年縣廢雍熙二年復置屬信陽軍元屬信陽州至元二十年移州來治明洪武初復故四年改屬鳳陽府七年屬汝寧府成化十六年屬信陽州

本朝復故

谷水源出縣南掘山北流合瑟水至光州光山縣界入淮瑟水

源出縣西南靈山

郟縣故城在縣西南九里寶城故城在縣西

謝城在縣西北六十里

陳州府

繁難

原額人丁一十六萬三千九百三十五
又滋生人丁四萬三千五百七十一

古太昊氏之墟周初爲陳國戰國屬楚秦置陳縣屬潁川郡漢

高帝十一年置淮陽國後漢章和二年改曰陳國後為郡晉初罷屬梁國惠帝復置陳郡隋開皇初郡廢十六年置陳州大業初改曰淮陽郡唐武德初復為陳州天寶初仍為淮陽郡乾元初復曰陳州屬河南道貞元中為忠武軍節度治所五代唐廢軍晉開運二年置鎮安軍節度漢廢周廣順二年復置宋曰陳州淮陽郡鎮安軍節度宣和初升為淮寧府屬京西北路金復為陳州屬南京路元屬汴梁路明屬開封府

本朝雍正二年陞為直隸州十二年又升為府糧捕水利通判

一駐周家口

府境

東西距一百九十里
南北距一百八十里

八到

東至歸德府鹿邑縣界四十里
西至許州臨潁縣界一百五十里
南至汝寧府上蔡縣界一百里
北至開封府杞縣界八十里

乾隆府志卷二十九

入

東南至江南太和縣界一百九十里
西南至許州鄆城縣界一百三十里
東北至歸德府柘城縣界五十里
西北至開封府尉氏縣界二十里
自府治至京師二千一百里

土貢

紬絹 梨 蕪菁 綬州 銅魚

管縣七

淮寧 商水 西華 項城 沈丘 太康 扶溝

淮寧縣

繁疲難郭下

有陳州一驛馮唐一集

古宛丘地秦置陳縣漢為淮陽國治後漢為陳國治晉初屬梁國後為郡治劉宋移郡治項城以縣屬南梁郡後魏省縣入項仍為陳郡治北齊移項縣于故陳城隋開皇初改縣曰宛丘屬淮陽郡唐屬陳州明洪武初省入州
本朝雍正十二年復置為府治

宛丘在縣東南詩陳風宛丘之上兮爾雅丘上有丘爲宛丘陳有宛丘王隱云漸欲平樂史云在縣南三里高二丈

沙河自縣南受故黃河水又東受蔡渠水又東逕項城洧丘受枯河水又東逕界首集南入江南潁州府界按水經注有新溝水首受交口東北流至新陽宋元祐元年知陳州胡宗愈言沙河合入潁處有古丈八溝可以開濬分決蔡河之水自爲一支由潁壽界直入于淮詔可功旣成謂之新河今考其原委蓋與此河相合

漢新平故城在縣東北淮陽故城在縣西南固始故城在縣西北後魏南陽廢縣在縣東

寧城在縣西北一作檉春秋僖公元年公會齊侯宋公鄭伯曹伯邾人于檉左傳楚人伐鄭盟于寧方城在縣東南十里古檉

城在縣北一里

乾隆府廳州縣圖志卷三

九

辰亭在縣西六十里亦曰辰陵亭春秋宣公十一年楚子陳侯鄭伯盟于辰陵又防亭在縣北詩防有鵠巢

八卦臺在縣北一里李吉甫云古者伏羲氏始畫八卦于此又縣西北三里宋乾德四年後傳有太昊陵今與西平縣北商高宗陵遊載祀典

商水縣

簡東北至府七十里

有商水一驛谷陽一鎮連家永甯二集

漢置汝陽縣屬汝南郡東晉于縣置汝陽郡咸康三年郡廢隋開皇十六年分置澉水縣大業初省汝陽縣入之屬淮陽郡唐武德四年屬沈州貞觀元年屬陳州建中二年屬澉州興元元年還屬陳州宋建隆元年改曰商水

小汝水汝水支流也自許州郟城縣流入縣南又東逕項城沈

丘入江南潁州府界谷水自縣東南流逕項城縣注潁水

汝陽故城在縣西北漢博陽故城在縣東北四十里
扶蘇城在縣西南三十五里南利城在縣南漑灌城夾河月城
竝在縣東北

西華縣 難東南至府八十里 有常社一鐘李家方口一集

戰國魏長平邑秦置長平縣漢分置西華縣竝屬汝南郡後漢
以長平屬陳國晉初省西華入長平永康元年復置屬潁川郡
東晉屬陳郡北齊省長平隋開皇十六年改置鴻溝縣大業初
省西華改鴻溝曰西華屬淮陽郡唐武德元年改曰箕城貞觀
初省入宛丘縣長壽初又改置武城縣屬陳州神龍初復曰箕
城景雲初復曰西華

潁水自許州臨潁縣流入縣西南東流逕商水又東逕府城南

乾隆府廳州縣圖志卷二

與項城縣分界又東逕沈丘南至江南潁州府界入淮又天濑
水卽汝水支分自許州鄆城縣流入縣南又東逕商水縣北合
于潁卽古濇水亦名潰水爾雅云汝有潰潰濇濇皆聲相近汝
之別矣俗亦名沙水

縣故城在今縣南長平故城在縣東北十八里

閭倉城在縣東北卽閭亭左傳昭公二十年宋公子城公孫忌
出奔鄭其徒南華氏戰于鬼閭習陽城在縣西夏亭城在縣西
南柳城在縣西二十里

項城縣 簡北至府一百二十里

春秋項國漢置項縣屬汝南郡晉初屬梁國惠帝時屬陳郡東
魏天平二年改置秣陵縣爲揚州丹陽郡治梁太清初改曰殷
州尋還屬東魏曰北揚州北齊改曰信州後周改曰陳州隋開

皇初始改秣陵曰項城十六年改置沈州大業初州廢屬淮陽郡唐初復置沈州貞觀元年州廢屬陳州元至元二年省入商水尋復置

項縣故城在縣東北漢南頓故城在縣北五十里後魏平鄉廢縣在縣西北七十里唐潁東廢縣在縣東

互鄉城公路城誘城並在縣東北潁陰城在縣西北德勝城在縣西三十里

沈丘縣難西北至府一百五十里有紙店一鎮

春秋楚寢丘邑漢置甯縣屬汝南郡後漢改曰固始晉屬汝陰郡咸康二年省入新蔡後復置屬新蔡郡東魏武定八年置財州北齊州廢改置褒信縣隋開皇初廢入銅陽縣唐神龍二年始置沈丘縣屬潁州元至元二年省入潁州後復置明初又省

宏治十二年復置

乾隆府廳州縣圖志卷二十

七

武丘在縣東北本名丘頭三國魏甘露三年司馬昭平諸葛誕詔改

寢丘故城在縣東南又宜祿廢縣在縣北

武陰城在縣東沈城在縣東南磚城在縣東北四十五里

太康縣繁疲難南至府五十里有崔橋一鎮馬廐一集

秦置陽夏縣漢屬淮陽國後漢屬陳國晉屬梁國惠帝時屬陳郡後魏貞君七年併入扶溝太和十一年復置屬陽夏郡高齊置淮陽郡隋開皇初郡廢七年改縣曰太康仍屬淮陽郡唐屬陳州五代梁屬開封府宋崇寧四年改屬拱州大觀四年還屬開封宣和二年又屬拱州六年又屬開封

本朝雍正十二年改屬陳州府

舊黃河圖經府境舊無河金明昌五年河決陽武由太康逕陳州東南至潁州明洪武二十四年河決原武逕沛城至陳州西又東南逕項城入淮三十年河徙入州境永樂九年濬入故道正統九年又決滎陽逕州境由項城入淮宏治中北徙而州境之河遂涸

漢扶樂故城在縣西北

募城在縣東牛首城在縣西五十里又固陵聚在縣西史記漢

五年漢王追項羽至陽夏南固陵

扶溝縣簡東南至府一百二十里

有李家潭建雄二鎮

漢置縣屬淮陽國後漢改屬陳留郡晉省後復置東魏天平初屬許昌郡隋屬潁川郡唐武德四年于縣置北陳州旋廢以縣屬洧州九年屬許州五代梁屬開封府

本朝雍正十二年改屬陳州府

乾隆唐潁州縣圖志卷三

七

蔡水一名小黃河亦名惠民河自開封府尉氏縣流入縣東又南逕西華縣又東逕府城南合于潁卽沙水也沙蔡音同與淮寧縣沙河別按五代周顯德六年引河入蔡以通陳潁之漕宋時導閘水合于蔡爲惠民河陳蔡之粟自此入汴元時爲河水所奪賈魯治之故自朱仙鎮以上通名賈魯河自鎮以下昔由通許流入扶溝今則近尉氏而遠于通許于水經及元和志故道不能盡合然大畧可考矣又澗水在縣東卽蔡水分流東逕太康縣北入歸德府界班固云扶溝縣澗水首受狼湯河東至向入淮康溝南水在縣北東南注沙水南水自開封府鄆陵縣東流至縣北注蔡亦名雙洎河班固云洧水東南至長平入潁按洧水本入潁宋時導之自扶溝入蔡今有史家河在西華縣

西南卽洧之餘流也

縣故城在今縣東北五十里高齊時移今治漢新汲故城在縣西南

桐丘城在縣西二十里左傳莊公二十八年楚侵鄭人將奔桐丘匡城在縣西文公元年衛孔達侵鄭伐綿訾及匡白亭城在縣西北四十里洧陽城在縣南固城在縣北十五里

儀封廳衛繁難

見在

春秋衛儀邑漢爲東昏縣地唐爲考城縣地宋爲東明縣地金于東明故地析置儀封縣屬曹州元屬睢州明屬開封府本朝乾隆四十九年河道遷徙因移治南岸升縣作廳設撫民通判于此

乾隆府廳州縣圖志卷二十

十一

廳境

東西距五十里
南北距四十五里

八到

東至歸德府睢州界三十五里
西至開封府蘭陽縣界十五里

南至開封府杞縣界十五里
北至直隸長垣縣界三十里

東南至睢州界十五里
西南至開封府陳留縣治入十里

東北至山東曹縣界五十里
西北至長垣縣界三十五里

自廳治至京師一千五百里

土貢

黃河自開封府蘭陽縣流入廳北又東入歸德府界廳境有黃渡等七河以分殺大河水勢今黃渡河涸而三家莊河遂成漚澤

故城在今廳東北二十五里明洪武二十二年圯于河移今治今又徙南岸又漢濟陽故城在廳北

許州

衡蔡

有許州一驛桂澗石固二鎮

原額人丁七萬二千二百七十二
又滋生人丁一萬四千二百三十五

禹貢豫州之域周為許國秦置許縣漢分置潁陰縣皆屬潁川郡建安元年自洛遷都于此三國魏黃初二年改許曰許昌晉為潁川郡治後魏又徙郡治長社東魏分置許昌郡屬潁州武定七年移潁州潁川郡治潁陰改曰鄭州北齊改潁陰為長社廢許昌郡縣屬鄭州北周改州曰許州隋開皇初郡廢大業初州廢復為潁川郡唐武德四年復曰許州貞觀十三年置都督府十六年府罷天寶初復曰潁川郡乾元初仍曰許州屬河南道貞元十年置忠武軍節度使五代梁改匡國軍後唐復故宋初曰許州許昌郡忠武軍隸京西北路元豐三年升為潁昌府崇寧四年隸京畿路宣和三年仍屬京西北路金曰許州昌武軍屬南京路元曰許州屬汴梁路明屬開封府

或隸潁州縣圖志卷十

十四

直隸州廢府治石梁縣入州以禹州密縣新鄭屬開封府

州境 東西距九十里
南北距一百二十五里

八到 東至開封府鄆陵縣界四十里
西至開封府禹州界五十里

南至開封府舞陽縣界六十里
北至開封府新鄭縣界一百五十里

東南至汝寧府上蔡縣界一百二十里
西南至南陽府葉縣界一百二十里

東北至開封府洧水縣界一百三十三里
自州治至京師一千七百九十里

土貢 絹 薦席 柿 蕙苾

管縣四

臨潁 襄城 郟城 長葛

許昌故城在州東北漢潁陽故城在州西南

魯城在州東南春秋桓公元年鄭伯請以璧假許田公羊傳魯朝宿之邑也射犬城在縣境洧倉城在縣東北

魏許昌宮在州城東北

臨潁縣

衝西北至州六十里

有臨潁一驛繁城一鎮

漢置縣屬潁川郡唐初屬許州建中二年屬澠州貞元二年還

屬許州

潏水在縣西小澠水在縣西南又艾城河在縣東北三十里本

潏水曹魏屯田時鄧艾所引河也

縣故城及魏繁昌故城在今縣西北漢潁陽故城在縣東

御龍城在縣北十五里商城在縣東北三十里大陵城在縣北

三十里左傳莊公十四年鄭厲公自櫟侵鄭及大陵黃連城在

縣東南

城皋亭在縣南春秋定公四年公及諸侯盟于皋鼬

襄城縣

衝繁東北至州九十里

有襄城一驛頽橋一鎮

春秋鄭汜邑戰國魏襄城邑秦置襄城縣漢屬潁川郡晉泰始

二年于縣置襄城郡後魏永安中以郡屬廣州武定中徙廣州

治襄城後周改曰汝州隋開皇初郡廢大業初州廢縣屬潁川

郡唐武德元年復置汝州貞觀元年州廢縣屬許州開元四年

屬仙州二十六年改屬汝州二十八年還屬許州天寶七載屬

臨汝郡乾元初又屬汝州金泰和七年屬許州

汝水自汝州郟縣流入縣南又東南逕郟城爲大澠水亦名大

澠河流入陳州府界湛水在縣南汜水在縣北滙水在縣東南

竝注汝又滄水在縣東北三十五里北流南轉又東北注于潁

縣故城在今縣西

汜城在縣南一里左傳僖公二十四年王出適鄭處於汜西不
羹城在縣東南二十里鄭莊公城在縣北四十五里汾丘城在
縣東北左傳襄公十八年楚伐鄭治兵于汾戰國策楚北有汾
涇之塞論城在縣東北

鄆城縣衡西北至州一百二十里

有鄆城一驛高橋沱口
五溝歸村新店商橋六

春秋楚召陵邑秦置召陵縣漢屬汝南郡又置鄆縣屬潁川郡
晉二縣皆屬潁川郡東晉省鄆縣宋景平中移潁川郡治召陵
北齊改曰臨潁郡隋開皇初郡廢復置鄆城縣十六年于縣置
道州大業初州廢省召陵入鄆城仍屬潁川郡唐武德四年復
置道州貞觀元年州廢縣屬豫州元和十二年于縣置澁州長

乾隆府廳州縣圖志卷十

十一

慶元年州廢縣屬許州宋屬潁昌府金以後屬許州

澧水在縣南三里自南陽舞陽縣流入又東至縣南入汝水洄
曲河在縣東南三十里唐元和中吳元濟叛以重兵委董元質
守洄曲

鄆縣故城在縣南召陵故城在縣東三十五里漢征羌故城在
縣東南

鄆城在縣東南三十五里春秋桓公二年蔡侯鄭伯會于鄆青
陵城在縣西北五十里裴城在縣西五十里

長葛縣簡東南至府五十里
有董村石相和尚橋會河後
河五鎮

春秋鄭長葛邑漢置長社縣屬潁川郡後魏自許昌移潁川郡
來治東魏天平初兼置潁州武定七年州移治潁陰縣廢隋開
皇六年復于故縣地置長葛縣屬許州大業初屬潁川郡唐屬

許州宋屬潁昌府金以後屬許州

馬陵岡在縣北三十里接新鄭洧川二縣界史記韓懿侯二年魏敗我馬陵又濁澤在縣西南韓趙合軍以伐魏戰于濁澤潁水自開封府禹州北分爲二一從新鄭流入縣西南又逕州東北及臨潁縣北一東南流俗名石梁河逕州西南及臨潁東北又東流復合潁水入陳州府界洧水潁水並自新鄭縣流入洧水又東入開封府界潁水至州界合于潁縣北復有龍淵水酈道元稱京相璠曰卽稟水也東注洧水

縣故城在今縣北長社故城在縣西

東西二城在縣東左傳隱公十一年鄭伯使許大夫百里奉許叔以居許東偏又使公孫獲處許西偏樂史云今有東西兩城棘城在縣東接新鄭界左傳襄公二十四年楚子伐鄭以救齊盟于東門次于棘澤

乾隆府廳州縣圖志卷二

七

汝州 繁難

有汝州一驛趙洛臨汝二鎮

原額人丁六萬九千七百九十五
又滋生人丁一萬五千九百八十五

禹貢豫州之域春秋時戎蠻子地戰國楚梁邑漢置梁縣屬河南郡又置周承休國屬潁川郡後漢省承休入梁縣後魏泰昌二年始置汝北郡治石臺縣北齊移郡治南汝原尋改郡曰汝陰後周郡廢隋以南汝原爲伊州治大業初改州曰汝州縣曰承休尋又改爲襄城郡唐武德四年仍爲伊州貞觀元年改縣曰梁縣八年復改州曰汝州天寶元年改曰臨汝郡乾元初復故屬河南道宋曰汝州臨汝郡政和四年升爲陸海軍節度屬京西北路金曰汝州屬南京路元屬南陽府明初省梁縣入州仍舊屬成化十二年改直隸州

本朝因之糧捕水利州判駐楊家樓

州境

東西距二百二十里
南北距二百二十里

八到

東至許州襄城縣界一百三十里
西至河南府洛陽縣界九十里

南至河南府南陽縣界一百八十里
北至河南府登封縣界四十里

東南至南陽府葉縣界一百四十里
西南至南名縣治二百十里

東北至開封府禹州治一百七十里
西北至洛陽縣界九十里

自州治至京師一千九百里

土貢

繩 鐵 錫 石灰 蜜 椽 綿粟

管縣四

魯山 郊 寶豐 伊陽

霍山在州西南六十里漢置霍山縣以此名亦曰霍陽山左傳

哀公四年楚襲梁及霍相近有狼臯山鄆道元云汝水自狼臯

乾隆壽寧州縣圖志卷十

六

山東出峽謂之汝阨

黃水在州東三十里南流合于汝一名黃澗河廣成澤水在州

西四十里李吉甫云周一百里隋大業初置馬牧于此

承休故城在州東漢成安故城在州東南梁縣故城後魏治城

故城在州西石臺廢縣在州西南四十里

蠻城在州西南春秋戎蠻子國左傳成公六年蠻氏侵宋昭公

十六年楚殺戎蠻子嘉遂取蠻氏周平城亦在州西南

霍陽聚在州東南陽人聚在州西史記秦莊襄王元年以陽人

地賜周君秦其祭祀廣成聚在州西四十里卽漢廣成苑也豳

狐聚在州西北四十里史記秦遷西周公于豳狐

魯山縣

難東北至州一百二十里

巡檢一駐趙家村

漢置縣屬南陽郡後魏太和十一年改縣曰山北置魯陽鎮十

八年置荊州二十二年罷州置魯陽郡永安中改置廣州後周改曰魯州縣曰魯山隋開皇初郡廢大業初州廢縣屬襄城郡唐武德初復置魯州貞觀九年州廢縣屬汝州

魯山在縣東十八里班固云魯陽縣有魯山又彭山在縣東南

二十八里酈道元云彭水出魯陽縣南彭山

渾水源出縣西吳大嶺東流逕縣南又東逕寶豐縣南入南陽

府界即古泚水亦名沙河左傳僖公三十三年楚救蔡與晉師

夾泚而軍班固云渾水出魯陽縣東北至定陵入汝縣境房陽

川水波水魯陽關水牛薊水彭水竝注渾周禮職方氏豫州其

浸波滢馬融廣成頌浸以波滢即此波水也

秦鞏縣故城在縣東南五十里

繞角城在縣東南左傳成公六年楚伐鄭晉救鄭與楚師遇于

繞角平高城在縣西南十九里魯城在縣東北十七里赤城在

縣東北三十里

魯陽關在縣西南三十里與南陽府南召縣分界史記趙惠文

王九年趙梁將兵與齊合軍攻韓至魯關下

邾縣雜西北至州九十里有邾縣一驛長橋黃道二鎮

春秋鄭邾邑後屬楚漢置邾縣屬潁川郡晉改屬襄城郡後魏

曰邾城僑置南陽郡又置順陽郡及龍山縣北齊廢邾城縣隋

開皇初改龍山曰汝南三年二郡皆廢十八年改縣曰輔城大

業初又改縣曰邾城屬豐城郡唐屬汝州宋崇寧四年改屬潁

昌府金屬汝州元至元三年省入梁縣大德八年仍置邾縣屬

汝州

扈澗水在縣西四十里源出縣西北扈陽山南流入汝酈道元

云扈澗水北出大劉山按夫劉山扈澗並在縣西北相去十里又縣境藍水龍山水亦注汝

摩陂在縣東南三國魏太和七年青龍見摩陂井中因改充青龍摩陂爲龍陂

龍山故城在縣東南南陽故城在縣西北

紀氏城夏亭城在縣東龍城在縣東南

寶豐縣

難西北至府九十里

有宋村曹鎮二鎮

周初應國春秋楚城父邑漢置父城縣屬潁川郡晉改屬襄城郡東晉後廢後魏太和十八年置汝南縣永安元年僞置汝南郡北齊天保七年郡縣皆廢隋開皇十八年復置汝南縣屬襄城郡大業末廢唐證聖元年析魯山郟城二縣地置武興縣神龍元年改曰中興尋又改爲龍興屬汝州宋熙寧五年廢入魯山元祐元年復置宣和二年始改曰寶豐元至元三年省入梁縣明成化十一年復置

乾隆府屬州縣圖志卷十

二十

天龍山在縣東南四十里龍水出焉李吉甫云劉累以擾龍遷于魯縣故名又魚齒山在縣東南四十餘里湛水所出左傳襄公十八年楚伐鄭次于魚陵涉于魚齒之下

湛水在縣東東南流至南陽府葉縣界周禮職方氏荊州其浸

潁湛又縣境養水激水亦注汝犇水注潁

漢父城故城隋符壘故城在縣西北後魏汝南故城在縣北唐

渾陽故城在縣南

應城在縣西南故應國左傳僖公二十四年富辰曰應武之穆也參龍城在縣東南五十里又巾車鄉在縣南後漢書光武屯兵巾車鄉養陰里在縣西北左傳昭公三十年楚使監馬尹大

心迎楚公子使居養

伊陽縣 簡東北至州九十里

有上店一鎮

古伊川地漢為宏農郡之陸渾河南郡之新城梁縣南陽郡之魯陽四縣地唐先天二年置臨汝縣屬汝州五代周顯德二年廢明成化十二年始析汝州及魯山嵩縣地置伊陽縣屬汝州堯山在縣西南渥水所出酈道元云堯之末孫夏孔甲時遷于魯縣立堯祠于西山謂之堯山樂史云俗名大陌山又節子朶山在縣西七十里產錫鑛

汝水自河南府嵩縣東北流入縣南又東逕州城南及寶豐邾縣入許州襄城縣界伊水在縣西北六十里自嵩縣流入又北流入河南府偃師縣界

臨汝廢縣在縣東

乾隆時聽州縣圖志卷十

五

陝州 衝繁

有甘棠夾石二驛曲沃張茅石壕上村乾壕五鎮巡檢一駐硤石

原額人丁三萬六千一百八十又滋生人丁三千六百三十二

禹貢豫州之域周初為周召分治之所春秋時地入于晉戰國屬魏後屬韓秦置陝縣屬三川郡漢屬宏農郡後魏避諱改為恒農郡太和十一年置陝州十八年罷天平初復置西魏大統三年罷後周明帝二年復置隋開皇三年郡廢大業三年州廢屬河南郡義甯元年復置宏農郡唐武德元年復曰陝州置總管府貞觀元年府罷天寶元年改州為陝郡乾元元年復為州廣德元年更置大都督府屬河南道天祐元年升為興唐府昭宣帝初府罷復為大都督府自乾元至五代嘗置節度觀察防禦等使以州為治所賜軍號宋曰陝州陝郡太平興國初改保平軍節度屬永興路金曰陝州屬南京路元屬河南府明省縣

入州

本朝雍正二年升為直隸州分巡河陝汝道駐此糧捕水利州判一駐朱陽關

州境

東西距三百三十里
南北距五百四十里

八到

東至河南府渑池縣界一百五十里
西至陝西潼關縣界一百八十里
南至南陽府內鄉縣界四百八十里
北至山西芮城縣界六十里

東南至河南府永甯縣界九十六里
西南至陝西雋南縣界二百二十里

東北至山西平陸縣界四十里
西北至山西解州治一百里

自州治至涼師二千一百里

土貢

細繩 麩麥 梨 藥 瓦研 瓷 錫

管縣三

靈寶 閿鄉 盧氏

乾隆府廳州縣圖卷之三

三

砥柱山在州東北四十里黃河中書禹貢底柱析城酈道元云

昔禹治洪水山陵當水者鑿之故破山以通河三穿既決水流

疏分指狀表目亦謂之三門又號山在州城西史記魏文侯二

十六年號山頽壅河魏王泰云今臨河有岡阜似是頽山之餘

陝原在州西南亦名陝陌公羊傳自陝以東者周公主之自陝

以西者召公主之羣原在州東南五十里左傳莊公三十二年

號有神降于莘

澽水在州西南西北流入于河州境囊水崕水赤注河安陽溪

水合囊水注河

廣濟渠在州東利人渠有二一在州城南一在城北今竝廢

硤石故城及後魏陝中廢縣在州東南
焦城在州城南左傳僖公三十年燭之武見秦伯曰許君焦瑕

朝濟而夕設版焉上陽城在州東南左傳僖公五年晉侯圍上陽曲沃城在州西南四十里史記秦惠文君十一年歸魏焦曲沃長城在州東李吉甫云魏惠王十九年所築東南起嶠山西北至河亘三十七里安陽城在州東南

大陽關在州北黃河津濟之處卽大陽津本古茅津左傳文公

三年秦伯伐晉自茅津濟破石關在州東南亦曰嶠陵關

靈寶縣衝繁東至州六十里有桃林一驛靖遠一鎮

秦函谷關地漢元鼎四年置宏農縣兼置宏農郡治焉後魏改縣曰恒農爲西恒農郡治後周郡廢隋復曰宏農開皇十六年析置桃林縣大業初仍置宏農郡以桃林縣屬河南郡義寧元年改宏農爲鳳林郡唐武德元年以宏農置鼎州貞觀八年州廢又自盧氏移號州治宏農以桃林縣屬陝州天寶元年改桃林爲靈寶宋曰號州號郡屬永興路至道三年改宏農縣爲號畧屬號州靈寶仍屬陝州元至元三年省靈寶入陝縣八年復置併號州及號畧縣入之仍屬陝州

石城山在縣西南本名衙山班固云宏農衙山嶺下谷燭水所出地肺山亦在縣西南石隄山在縣西南六十里栢谷水所出西原在縣西南五十里唐天寶末哥舒翰出潼關次靈寶西原與崔乾祐戰又細要原在縣西

門水在縣西南亦名宏農澗又名鴻臚澗東北流入河山海經陽華之山門水出焉縣境栢谷水曹水蓄水燭水合田渠水竝

注河

宏農渠在縣南

宏農故城在縣南後魏朱陽故城在縣西南一百里後周邑川

故城亦在縣南後魏王城廢縣在縣東南八十里

項城在縣南七十里沙城在縣西北五里

函谷關在縣南戰國時秦故關也戰國策蘇秦曰秦東有崤函之險又洪關在縣西南涇津關在縣西北桃林驛稠桑驛並在

縣西稠桑即春秋之桑田左傳僖公二年虢公敗戎于桑田

閿鄉縣衝難東北至州一百二十里有鼎湖一驛關東一鎮

秦湖關地漢置湖縣屬京兆尹後漢建武十五年改屬宏農郡後魏曰湖城縣隋開皇十六年改置閿鄉縣閿後傳寫誤作閿屬河南郡唐武德初屬陝州貞觀八年改屬虢州宋太平興國

三年還屬陝州

荆山在縣南三十五里史記黃帝採首山之銅鑄鼎于荆山下故名其處曰鼎湖夸父山在縣東南山海經湖縣西九十里曰

乾隆丹廬州縣圖志卷十 二古

夸父之山其木多椶櫚多竹箭其陽多玉其陰多鐵秦山在縣南三十里李吉甫云南入商州西南入華州界一名秦嶺

黃巷坂在縣西北今誤作卷

桃原在縣西即古桃林也書武成放牛于桃林之野樂史云自靈寶以西至潼關皆桃林地皇天原在縣西南四十五里鄜道

元云漢世祭天子其上

黃河自陝西潼關廳界折而東流入縣北又東逕靈寶及州城西北三里入河南府界縣境玉澗水全鳩水盤澗水湖水涇水

並注河

湖縣故城在縣東四十里縣故城在今縣西隋開皇十六年移

今治

瑕城在縣西左傳文公十三年晉侯使詹嘉處瑕以守桃林之

盤豆城在縣西南

漢子宮在縣故城東北

盧氏縣 簡東北至州一百四十里

巡檢一駐朱陽

春秋西虢邑漢置盧氏縣屬宏農郡晉屬上洛郡劉宋仍屬宏農郡後魏屬金門郡後又分置漢安郡西魏改置義州義川郡隋開皇初廢改置虢州大業初州廢仍屬宏農郡義寧元年置虢郡唐武德元年復曰虢州貞觀八年州移治宏農以縣屬焉元至元二年屬南京路八年屬南陽府十一年屬嵩州明洪武三年屬陝州宏治四年改屬河南府

本朝雍正十二年仍屬陝州

熊耳山在縣南書禹貢導洛自熊耳山海經熊耳之山浮藻之水出焉西流注于洛班固云盧氏熊耳山在東伊水出蔓渠山在縣東南一百六十里山海經蔓渠之山伊水出焉水經同

乾隆序屬州縣圖志卷二

二十五

道元云淮南子云伊水出上魏山地理志云出熊耳山卽麓大同陵巒互別耳按近時陝西通志謂禹貢熊耳山在雒南縣東南百二十里今考諸地志旣不言洛南縣有熊耳山以地理計之漢上洛故城卽今商州治所圖經今雒南縣在州北少東九十里若云熊耳又在雒南東南百二十里則反在漢故縣東南二十餘里矣而通志方引班固上雒縣熊耳山在東北之文爲證又可云自相矛盾也惟今盧氏縣熊耳山却在商州東北明禹貢熊耳在今盧氏無疑至胡渭等又以商州西山當之亦與漢志不合皆不足辯

鐵嶺在縣北五十里一名車箱谷百丈厓在縣南宋書太祖北哥廳法起等度鐵山嶺次開方口柳元景引軍上百丈厓出溫

谷以入盧氏

洛水在縣南自陝西洛南縣流入又東北流入河南府界伊水在縣東南東流入河南府嵩縣界班固云伊水東北入洛行四百五十里縣境盧氏川水湯水東澗水等竝注洛

宋欒川廢縣在縣東南

陰地城在縣東北左傳哀公四年蠻子赤奔晉陰地

朱陽關在縣西南五十里又白華關青石關皆在縣西重山之

中竝通陝西

光州繁疲難

原額人丁一十九萬九千五百七
又滋生人丁五千一百一十八

禹貢揚州之域春秋時為黃國戰國屬楚秦屬九江郡漢置弋

陽縣屬汝南郡三國魏始置弋陽郡後魏分置南北二弋陽縣

乾隆府屬州縣圖志卷二

三六

郡治北弋陽梁置南郢州及定城郡北齊廢定城郡省北弋陽

入南弋陽改曰定城縣隋開皇初州郡皆廢以縣屬弋陽郡唐

武德三年置弦州貞觀元年州廢縣屬光州太極元年始移光

州來治天寶元年又改曰弋陽郡乾元初復曰光州屬淮南道

宋置光山軍節度屬淮南西路元省定城縣入州屬汝寧府明

初屬鳳陽府後仍屬汝寧府

本朝雍正二年升直隸州鹽捕水利州判駐息縣

州境 東西距二百四十五里
南北距二百里

八到 東至安徽霍丘縣界一百二十五里
南至湖北麻城縣界一百二十里
西至汝寧府羅山縣界一百二十里

北至汝寧府新蔡縣界八十里
東南至湖北羅田縣界一百八十里
西南至湖北黃安縣界一百六十里

東北至安徽潁上縣界一百三十里
西北至汝寧府汝陽縣界一百三十里

百州治至 京師二千四百里

土貢 純絹 絳麻 葛布 綿綢 茶 藥

管縣四

光山 固始 息 商城

淝水在州東三十里源出州南垂山北流逕固始縣界合春河

入淮

南

漢王城在州東北六十里

光山縣 繁難東北至州四十里

有長潭一驛中渡牛山二鎮

春秋豉國地漢置西陽縣屬江夏郡晉改屬弋陽郡惠帝分置

西陽郡永嘉後郡縣俱廢劉宋元嘉二十五年以豫部蠻民置

並降府屬州縣圖志卷二十一

二十七

光城縣屬弋陽郡大明中云置光城左郡梁于縣置光州隋開

皇初郡廢十八年始置光山縣為光州治大業初改州為弋陽

郡唐武德三年復曰光州置總管府貞觀元年府罷太極元年

移州治定城以縣屬焉宋紹興中改曰期思尋復故後廢元至

元十二年復置

弋山今名浮光山在縣西北八十里班固云弋陽縣弋山在西

北按光字蓋弋字之誤

黃水自湖北麻城縣流入縣境名官渡河東流至州西北名潢

河又曰小黃河入淮縣境栗水合清流河入淮

西陽故城在縣西二十里漢軼縣故城在縣西北劉宋茹由故

城在縣南六十里仙居故城梁宋安故城後魏豐安故城並在

縣西黃川故城在縣西南

木陵關在縣南一百二十里木陵山上至湖北麻城縣八十里
又白沙關在縣西南一百四十里接湖廣黃安縣界

固始縣

繁疲難西至州一百四十里

有朱阜期思二鎮巡檢駐江流集

春秋蓼國地漢置蓼縣屬六安國後漢屬廬江郡晉屬安豐郡
劉宋初省泰始中僞置新蔡郡及固始縣蕭齊爲北新蔡郡後
魏仍曰新蔡郡梁復曰蓼縣東魏復曰固始後周改置滄州隋
開皇初州郡皆廢以縣屬弋陽郡唐屬光州明初屬鳳陽府洪
武十四年還屬光州

灌水在縣西自商城縣流入名石槽河北流入決水班固云雩
婁灌水所出北至蓼入決縣境陽泉水注決詔虞水注溲

蓼縣故城在縣東北漢期思故城在縣西北安豐故城及劉宋
新蔡僞郡在縣東梁梁安廢郡在縣東北七十里

乾隆府廳州縣圖志卷二十

三六

古雞備亭在縣東南春秋昭公二十三年吳敗頓胡沈蔡陳許
之師于雞父卽此又蔣鄉在縣東古蔣國

息縣

繁難東南至州九十里

有楊莊一鎮

春秋時息國漢置新息縣屬汝南郡劉宋分置南北二新息縣
後魏太和十九年置東豫州及汝南郡梁大道元年改曰西豫
州太清元年又改曰淮州東魏武定七年復曰東豫州北齊復
并爲新息縣後周改曰息州隋開皇初郡廢大業初州廢縣仍
屬汝南郡唐初復置息州貞觀初州廢屬蔡州金太和八年復
置息州元中統三年州廢四年復置至元三年省縣入州明洪
武初降州爲縣屬潁州七年改屬

淮水自汝寧府正陽縣流入縣南逕光山縣及州境又東北逕
固始縣入安徽潁州府界潢水在縣西申陂水青陂水在縣北

注淮汝水在縣東北一百五十里與汝寧府新蔡縣接壤
北入潁州府界

渠在縣境李吉甫云隋仁壽中浚開元中更加疏導爲陂
一十六所溉田三千餘頃

新息故城在縣東漢褒信故城在縣東北七十里梁長陵故城
在縣東八十里

白公城在縣西南七里左傳哀公十六年楚太子建之子勝在
吳子西名之使處吳境爲白公神丘城在縣東北一百五十里
珉玉坑在縣西南李吉甫云坑在古息城東南五步周回一百
八十步深三尺其玉顏色潔白隋置官採用唐貞觀中亦令採
取其後爲淮水所浚開元中淮水東移珉坑重出玉溫潤勝昔
時蔡州以爲厥貢之首圖經今仍浚于淮

商城縣 難西北至州一百二十里 巡檢一駐牛食阪

乾隆府廳州縣圖志卷二十

二十九

春秋吳雩婁邑漢置雩婁縣屬廬江郡晉改屬安豐郡後廢宋
元嘉二十五年復置弋陽郡尋屬邊城郡又僑置西苞信縣屬
新蔡郡蕭齊時以西苞信屬北新蔡郡後魏改雩婁曰宇婁梁
陳西苞信曰苞信兼置義州齊周時宇婁縣廢隋初改縣曰殷
城屬弋陽郡唐武德初復置義州貞觀初州廢縣屬光州宋建
隆初始改曰商城至道三年省入固始明成化十一年復置

大蘇山在縣東南五十里灌水出焉馬頭山在縣南一百二十
里晉咸和中譙國內史桓宣將其衆營于馬頭山卽此

決水源出縣東南牛山名牛山河東北流逕固始東南名史河
又東至安徽霍丘縣界入淮班固云雩婁決水所出過郡二行
五百六十里北至蓼入淮縣境火砲山水注決龍潭河等竝至

固始注淮

殷城故城在縣西漢雩婁廢縣劉宋史水廢縣竝在縣東北邊城廢郡及梁南建廢州竝在縣東

古賴亭在縣南左傳昭公四年楚滅賴

五水關在縣西南六十五里以五水合流于關下而名又定城關在縣西南九十里長嶺關在縣南一百二十里

乾隆府廳州縣圖志卷二十

三

07685

曾孫用惠校刊

